

# MICHAEL FABRICIUS

*Lectori. S.*



Cùm superioribus annis editus in Germaniâ fuisse libellus de officio pii, & tranquillitatis verè amantis viri in hoc Religionis dissidio, notum est, quales, quantásque propterea turbas in Galliâ excitârit CALVINUS, editâ famosissimâ, simul & furiosissimâ Declamatione in FRANCISCUM BALDUINUM, Jurisconsultum, quem illius libelli Auctorem fuisse, sinè ullâ vel causa, vel conjecturâ probabili fingebat homo nimium indulgens intemperanti suæ melancholiæ, & simul incitatus partim Bezano spiritu, partim Ottomannico flabello: ut hi Lucianici irrifores seni Magistro lubenter illudunt, & quem adorant, dant præcipitem.

BALDUINUS miratus, se peti, cùm neque in talibus scriptis versaretur, neque illius libelli Auctor, subscriptörve esset, modestissimè respondit, eum nihil ad se pertinere: itaque gravem sibi injuriam fieri. Cujus etiam injuriæ quodnam judicium esse deberet, ex Jure Civili ostendit, prolato Commentario ad Leges de Calumniatoribus \*: De ipsâ alioqui re principali,

---

\* Commentarius hic: *Ad Leges de famosis Libellis, & de calumniatoribus inscriptus, & Parisiis Anno 1562. impressus, quem favente cœlo proximè pariter dabimus.*

cipali, de quâ libellus ille tam agebat tempe-  
ranter, quam importunus Castigator infideliter,  
agere noluit, quia talem actionem relinquebat  
Authori, cujus hæ partes erant. Hâc verò  
admonitione, tantùm abest, ut CALVINUS, ma-  
nifesti peccati sui convictus, ad aliquam vel  
pœnitentiam, vel erroris deprecationem revo-  
catus sit; ut multò etiam magis fuerit tumul-  
tuatus; neque in BALDUINUM modò magis at-  
que magis debacchatus sit; sed etiam in GEOR-  
GIUM CASSANDRUM, à quo libellum illum  
scriptum, editumque esse jam sciebat. BAL-  
DUINUS hominis furiosi rabiem rursus miratus,  
iterum ei respondit & acriùs, & apertiùs: ne-  
que modò in Personam, sed etiam in re age-  
re visus est: eámque deinde suam actionem  
confirmavit tertią quādam responsonē, quam  
Libris OPTATI, ut occasio fortè ferebat,  
nuper præfixit.

Interea ipsius quoque GEORGII respon-  
sio, defensiōque in Germaniâ edita, in Gal-  
liam allata est: quâ quidem vir & doctissi-  
mus, & modestissimus, magis, atque magis  
Adversarii intemperiem, non dicam repres-  
fit, (non enim reprimi potest īdomitæ feræ  
furor insanabilis) sed sātem sanis homi-  
nibus ostendit, nimiūm esse intemperantem.  
Ac principio quidem, ut Calumniatoris in Per-  
sonam temerè agentis, flagitium patefaceret,  
sanctè confirmavit, atque protestatus est, BAL-  
DUINUM neque Auctorem fuisse, neque adju-  
torem

torem illius, de quo quæritur, libelli: imò nè consciū quidem ullo modo fuisse, priusquam in lucem emissus esset: ac nè tum quidem de Auctore quidquam, præter suspicione habuisse. Itaque eā in re non simplici errore, sed multis, & gravibus modis abs contumelioso calumniatore peccatum esse; sibi quoque non minorem injuriam fieri ab hoc homine, ad calumnias (ut videtur) & contumelias, convitiāve nato, factōque.

Tandem iis, quæ ad Personas pertinent, relictis, de re ipsā cœpit agere, ut libelli suis sententiam defenderet, & importuni Castigatoris fumos discuteret. Quia verò hæc Disputatio de re magna est, & est hoc tempore imprimis necessaria, & verò in Galliâ desideratur, visum est, Reipubl. interesse, ut ea reculeretur, ac, relictis nunc aliis Capitibus, quæ ad Personas magis referuntur, simpliciter, & optimâ fide exponeretur summum Caput principalis quæstionis, & veluti utriusque partis Acta, quæ ad rem, causamque pertinent, sola recitarentur, atque committerentur; de quibus deinde judicium sanis, cordatisque Lectoribus relinqueretur. Id verò cum agi intelligeret CALVINUS, & de se actum fore sentiret, si ita ageretur: neque aut dubium, aut obscurum esse scireret, quin eā ratione, ut calumniæ damnatus est in primâ quæstione facti, sic in alterâ, quæ Juris est, statim damna-

retur, fecit, quod homines perditi in desperatione solent. Excitavit aliquem *Davum*, qui interturbaret omnia, & tumultuando rursus involveret, atque permisceret statum causæ, & eum abs re in Personam rursus transferret insidiosâ aversione. Hæc enim est ars Impostorum, ut, cùm deprehensi tenentur, eludant, &, veluti sparsis nebulis, offusisque tenebris, effugiant. Sed & tantò magis CALVINUS impulsus est ad invitandum aliquem perturbatorem, quia jam audiebat, BALDUINUM Regiis literis ex Patriâ revocatum esse, ut interesset placidæ caudam, & religiosæ Collationi de Controversiis hujus temporis, si qua fortè tandem conciliatio iniri posset.

Hic ergo rursus perculsus CALVINUS tumultuatur, ut illa olim Athalia, furiosa mulier exclamabat, Conjuratio, Conjuratio. Quid igitur? quia neque primâ impetitione BALDUINUM dejecerat; neque secundâ impressione depulerat, plures licet συμμάχοι \*. tunc coegerit; nunc ut tertio effundat vim majorem, advocat principalem suam Furiam, & conjunctis cùm eâ viribus in Balduinum iterum, iterumque incurrit; & quam principio Fabulam de alieno libello temerè sparserat, nondum abjiciendam esse statuit. Mira est insania hominum ἀπνλγκότων \*\*: sentiunt, se se palam offendisse, atque

---

\* Belli Socios.

\*\* Sic vocat S. Paul., qui dedoluerunt, seu dolere desierunt.

atque impegiſſe in limine; cum hanc litem  
primum moverunt; & fortasse vellent initio  
cautiūs egiffe; sed quidvis nunc faciunt potius,  
quām errorem confitendo vieti videantur.

Non ignorant eruditii Calumniatores illud  
QVINTILIANI: *Nocet diu pugna in his, quæ ob-  
tinere non possis: nam ubi vinci necesse est, ex-  
pedit cedere: culpam, quæ deprehensa præsertim  
est, pertinaciter tueri, culpa altera est.* Verūm  
etsi culpam conduplicent, impune id se face-  
re posse putant. Sciunt, sese in hâc lite jam  
duobus Judiciis, Calumniæ damnatos, &  
bis, tērque depulsoſ actum agere, præsertim  
tertiō nullo jure posse. Verūm istis homini-  
bus ad omnem audaciam, impudentiamque  
projectis persuasum est, se ſe nullis legibus  
teneri, præſertim legionibus armatos, &, ut  
jam pridem, Jus oppugnantes. Nam & hoc  
habent tanquam principium ſuæ (ut vocant)  
Reformatæ Religionis, aliis quidem, quibus  
insultare volunt, per ludibrium concionari de  
pœnitentiâ, ſed ſe ad eam nunquam demittere.

Ergo reducem ſuum, ſive Satellitem, ſive  
Bellatorem, BEZAM nunc ſubornavit CALVI-  
NUS, ut BALDUINUM tertio impeteret, & prio-  
ris cauſæ ſatum perturbaret. Evidem mi-  
rabar, Dictatorem tam & naturâ biliosum, &  
duplici jam offenſione irritatum, toto propè  
ſequanno tacere potuisse, cum antea, nemí-

ne eum attingente, tam importunam declamationem tantâ contentione exorsus esset. Jamque veniebat mihi in mentem, quod Ejus primarius Discipulus scripsit, *hanc esse istarum bestiarum naturam, ut, si fugias, Leones, non Onagros dixeris; si persequaris, nibil fugaciūs, etiamsi inter fugiendum subinde restitent, & aërem calcibus feriant.* Sed concionator exhaustus, atque desatigatus cùm in rotâ suâ cohorte Domesticâ, in qua tot sunt impudentes malarum partium Patroni, non reperiret satis idoneum in hâc causâ Rabulam; absentem illum suum Triarium, qui deficiente succensiuriaretur, expectabat, aliis in Galliâ bellis gerendis, hoc est, sacrilegiis, latrociniis, paricidiis occupatum: qui ubi rem consecrit, hoc est, evastato Galliæ Regno, summisit sicarium, qui conficeret invictum Principem, Regis Legatum, Regiique Exercitus Imperatorem, reversus est fugitivus furcifer ad suum Asylum, ut sua Trophæa sicariis etiam libellis cumalaret. Neque verò dubium est, quin, cùm ovans exponeret suo Pontifici præclara illa sua Stratagemata egregius Flamen, non jam Dialis \*, sed Martialis multis statim coronis donatus, audierit illud:

*Macte novâ virtute, Puer: sic itur ad Astra \*\*.  
Et fortasse subjecisset ex eodem Peëta:*

*Tu,*

---

\* Jovis Ministerio dedicatus.

\*\* Virgil. L. 9. Aeneid. §. 64r.

*Tu, Genitor, cape Sacra manu: . . .  
Me bello ex tanto digressum, & cæde recenti  
Attrectare nefas, donec me flumine vivo  
Abluero: \**

Sed Lacum Lemmanum vidisse, ut se ex-  
piaret, satis esse putabat.

Ergo, aliis suis telis ad tempus sepositis,  
stylum, tanquam hastam, arripit, ut contor-  
ta fulmina recocæ maledicentiae huc, & illuc  
ejacularetur: Sic enim, qui pistolicus miles  
paulò antè fuerat, probare voluit, se quoque  
Apostolicum Præconem, atque Declamato-  
rem esse. Evidem putabam, hominem tot  
flagitiis infamem, præsertim perpetrato tam  
scelerato parricidio, hinc aufugisse, ut se ab-  
deret in aliquâ solitudine, vel in suâ lacunâ la-  
titaret, indignus, qui lucem aspiceret: sed in  
Lustris educatus ganeo, nondum cum fronte  
amisit meretriciam proterviam; & in Castris  
deinde confirmatus lanista, quid non auderet,  
præsertim ubi induit Galerum, & larvani  
Reformati Concionatoris? Reversus ad suum  
Collegium, supplex suum Pontificem dicitur  
rogasse cum formulâ: *Jube Domine benedicere.*  
Tum verò finè mysticâ benedictione iussus  
est Adversariis maledicere. Ludendo quidem  
profari nunc audet, se se in eâ urbe vivere,

E 4

in

---

\* Idem L. 2. Aen. v. 717. & seqq.

in quâ maledicere non liceat; sed subest tacita exceptio, nisi bonis. Nam tum nemo nescit, illam esse Officinam, & fornacem maledicentiæ maledicentissimæ; ne quis miretur, unde hic noster tantum convitiorum hauserit. Ergo superiori mandato armatus, induit Tragicos Cothurnos, & plaustrum conscendit, quo inventus debaccharetur in Apostatas, hoc est, in eos, qui nefariæ conjurationis signa secuti non essent, & Religionem Christi anteterrent factioni sceleratæ: nam quos manu nondum potuit, lingua, & stylo discerpere se posse putat.

Itáne verò, CALVINE alium non habebas, per quem de pietate litigares? Cùm HOTTO-MANNUM, ejus fraterculum, priori actione advocasse dicereris, rogatus es, ne elegantem Magistrum Ciceronianæ ἀθεότητος \* nobis dares, tanquam Religionis idoneum Cathechistam. Nunc cùm das, substituisque Venerabilem BEZAM, an nostro desiderio satisfacis? Imò verò nunquam magis in suspicionem, nescio cuius turpis, & impiæ collusionis, apud bonos viros venisti, quam cùm ii viderunt, tales duos Prophetas cingere tuum latus; esse tibi in deliciis, in sinu, in gremio, in amplexibus; cùm tamen non ignores utriusque flagitia, & quid de altero Germania, de altero Gallia etiamnum ad te referat. Sed quando

itā

---

\* Ciceronianī Atheismi.

irà vis, habeto sanè tales Contubernales magnâ  
tuâ cum infamiâ.

Erras autem, iterumque erras, si aut BALDUINUM, aut alium, qui vos nôrit, reformidare putas talium emissariorum tuorum canum latratus. Viderint ii, quos tales viperæ, tigres, aut lupæ laceſſunt, an aliquo responſo dignas esse putent. Ego tales (utendum est tuo verbo) Nebulones non voce, non verbis, non disputationibus castigandos esse ſentio, fed Legum minis, carceribus, ſuppliciis, ut Cicero latrones, sacrilegos, testamentarios: nam Ciceroniano jure tui illi Procuratores utuntur.

Sed (quia tibi gratificari debemus) vísne, ut breviter de altero nunc dicamus, quem tu poſtremò delegisti, ut in BALDUINUM incurret, ſi forte plus præſtare poſſet, quam tres illi, aut quatuor, quos antea incitâras? Dicimus, non potuiffe te advocaſe Patronum, magis quidem idoneum ad maledicendum, ſed magis etiam indignum, qui audiatur in recriminatione, in qua collocas ſpem tuæ deſenſionis. Certè multæ ſtatim Præſcriptiones talēm Procuratorem repellunt, neque in judicio, niſi in reatu, ſtare patiuntur. Nam, & licet iuſ Civile contemnat, tamen non potheſt illud, quod ait CICERO, nihil eſſe, quod minus ferendū ſit, quam eum rationem ab altero vitæ reponſere, qui non poſſit ſuæ reddere. Sit ſanè illiberalis exceptio, quam nunc ejus effraenatam

petulatiam statim coercebimus. Dignus est, qui audiat, quæ non vult, qui in alios dixit, quæ non debuit.

X Res (fateor) misera, & deploranda est, cùm hominis Litterati probra, quæ sepulta latere mallemus, exponuntur. Sed cùm rabies hujus Furiæ, alios indignè laceffentis reprimenda sit, cogimur præscribendo profiteri, hominem tam infamem, tamque intestabilem, nullo vel Divino, vel Humano, vel Ecclesiastico, vel Civili jure posse admitti, ut non modò pro alio postulet, sed & alios criminet, & Ecclesiæ Reformatæ imperet, & det leges de Religione reformandâ: denique in cœtu bonorum neque ferendum, neque audiendum esse, donec legitimam egerit pœnitentiam, non dico omnium suorum flagitiorum, at fâltem eorum, quæ & vulgatoria, & insigniora, & turpiora sunt, ut Adulteriorum, Sacrilegiorum, Parricidiorum, quorum jam & convictus, & damnatus fit. Audio nunc tandem à CASTELLIONE coactum, ut illi satisfaciat, edidisse hanc flebilem Confessionem: *Me miserum! flens, & gemens agnosco, per quindecim annorum spatum, cùm aliis Justitiae viam comonstrem, nondum sobrium, nondum liberalem, nondum veracem factum: sed in luto hærentem, & vix oculos attollentem, uno passu à Carceribus ad metam progressum.* Quis tuî non misereatur, ô noster pœnitens, afflictissime BEZA, cùm hanc

tuam

tuam audit Cofessionem? Quis non dicat, eam  
nimiùm esse veram, proptereaque in ea vera-  
cem esse te, si ex animo loquereris? Sed ita  
te geris, ut nihil sentire minus videaris, quam  
quod dicis. Deinde cum ita generaliter loque-  
ris, tam cautè, & astutè loqui videris, ut non  
ingenuè eloqui, quod est, sed eludere velle  
videaris. Certè qui te nōrunt, exclamant ve-  
tus illud: *Non ita ageres, nisi fingeres.* Saltem  
dubitant, an, cum interea jacere debeas inter  
pœnitentes, supra Ecclesiam te attollere possis.  
Et præterea quærunt, an aliorum peccatorum,  
multò graviorum, quæ dixi, alia Exomolo-  
gesis necessaria non sit, priusquam aliis tam  
insolenter insultes prætextu cuiusdam ventosæ,  
fictæque regenerationis, quæ te hominem fla-  
tuosum inflat.

Te nondum factum esse Sobrium, quia  
sanguinis, gloriaeque fitis te inebriat, non mi-  
ramur. Non esse te liberalem cur confiteris,  
qui in aliorum facultatibus diripiendis nuper  
tam prodigus fuisti? Veracem nondum esse  
te, verissimè profectò dicis: sed habes para-  
tam defensionem: quia omnis homo mendax.  
Ceterum tu tibi, quod BALDUINO objicis, sug-  
gerere debebas istud tui Martialis: *Dic de tri-*  
*bus capellis: de tuis Adulteriis (inquam) Sacri-*  
*legiis, Parricidiis, si fortè aliquā deprecatio-*  
*ne infamiam, quæ tibi os obstruere debet,*  
delere possis.

Quod

Quod ad primum genus attinet, quod est turpisimum, castissime THEODORE, quia etiam tuis versibus gloriōsē prædicasti, atque publicasti tuos illōs candidatos, vesanōsque amores, tetrāsque libidines, non requiris, opinor, aliud testimonium, quo convincaris. Sed ferociter excipis, quia hoc crimen obiter confitearis, & ultrō damnes, te justificatum esse. Atqui cùm alios revoces ad severam disciplinam Ecclesiæ Reformatæ, tu, qui huic præesse vis, quale, putas, edere exemplum deberes Exomologeseos, atque pœnitentiæ? & interea quām te demissè gerere? & quo tandem antea privilegio tam confidenter cristas cum supercilio attollis, & Magistratum, quem vocas *ministrum*, in Ecclesiâ extraordinarium occupas, ut aliorum Censor fias? Certè excusatio, quā hujus incesti peccati tui Confessionem nunc diluis, procul abest à legitimâ, vel Canonicâ satisfactione, cuius disciplinam repudiare, aut rejicere non potes.

Ais, te Adolescentem fuisse, & nondum Christianum, cùm ederes illud vesanum exemplum gloriōsæ incontinentiæ. Adjicere debueras, te nunc etiam fuisse Protonotarium, & Poëtam. Nam quod de Adolescentiâ caufaris, nimis est infirmum: eras enim Major annis, & nimium jam tum te fuisse virum ostendisti. Imò verò jam tum tam eras, quam nunc es, regeneratus, hoc est Genevensium partium

partium: &, cùm talia Mysteria evulgares, jam Genevam mente, & animo migrâras, & istuc præmiseras tua Pignora; & quod hìc edebas, tecum asportare volebas, tanquam specimen tui ingenii, cùm quidem id etiam consecrares cuidam in Germaniâ tuo Præceptor, cui & CALVINUS, Parens, & Præceptor tuus alter, suos in Paulum Commentarios, tanquam Magistro suo dedicabat: quanquam non satîs fortè observaveris, te talibus Scriptis, Epicureâ licentiâ, celebrare ἀποθέωσιν\* Doleti, atque Rabelæsi, Sodalium quondam tuorum, quos eodem tempore CALVINUS, scribendo de Scandalis, referebat in Catalogum τῶν ἀθεότων \*\*. Nescio, quid monstri, & mysterii latere in eâ re dixerint nasuti homines tui Ordinis. Sed non ignoras, quid de aliis nunc dices, si quid iis tale exprobare posses. Videris porrò, quid præstare debeas, ut omnem suspicionem eluas, quam profecto contemnere non potes.

Nam quod nunc scribis, HOTOMANNUM tuum ne responso quidem dignum putare crimén ἀθεότητος \*\*\*, (quod nescio quis illi aspergit, fortasse quia hoc fuit elogium Theodori illius, qui etiam olim dictus fuit ἀθεωτατος\*\*\*\*: abs

---

\* Relationem inter Deos.

\*\* Atheorum.

\*\*\* Atheismi.

\*\*\*\* Impiissimus, aut qui maximè Deum negat.

abs THEOPHILO Alexandrino nostro) minus in tuam gratiam, nominisque tui honorem id refugit. Sed cum securè permittis, hoc eum dissimulare, vereor, ne non satis illi caveas; tametsi magis ille possit istud negligere, qui quidvis esse hactenus maluit, quam tui Prædicatorii Collegii quicunque. De Religione nequid scribat, sedulò cavet: & cui nondum persuasisti, ut tunc nomen suum edat; nisi si fortè excipias, illum, testandæ Religionis ergo, nuper præfixisse Epistolam Institutionibus Juris, in qua Principis cujusdam Protestantis non Majestatem, sed Numen appellavit, ut aliquot Daleros emungeret. Quis ergo dubitaret, eum Divinitatis magnum esse Cultorem, qui etiam profitetur se se colere Numinia Principum, si quid modò numerent. Sed ad rem.

Ais, te nondum fuisse Christianum, cum in Galliâ es. An ergo in Lacu Lemanio primum baptizatus es? & cum ad eum appelleres cum tuâ Deâ Catechumenus, an inter Pœnitentes sordidatus, vel potius Candidatus jacuisti? Tuâ profectò interest, te tuâ memissile, si fortè aliquis pudor reprimere possit hanc ferociam, quâ alios proculcas: ut, cum Pavo pedes suos intuetur, caudam demittit. Verum difficile est coercere furentem insolentiam, cum rabie fera corda rument. Ne censimam quidem tuæ nequitiae partem scio; neque

neque inquiero, neque scire volo: Sed nonnulla, quæ publicâsti, nemo nescit: quæ certè sola te ita notant, ut obscurum esse non possit, quâm sis Religiosus. Age, præterita condonentur.

Sed quid? cùm Genevæ iniciatus esse, ne veterem hominem planè exuisse videreris, aut Histrionicam, vel potius Lucianicam Personam deposuisse, statim istic edidisti lepidum illum tuum *Benedictum Passavantium*. O Religiosum principium novi Christianismi, & admirabilis regenerationis! Imò verò nunc, ut BALDUINUM terreas, minabundus etiam jætas, te nondum desiisse esse Poëtam. Credo equidem, non modò Poëtam etiamnum esse te, sed etiam deterius aliquid, quòd nimùm poëticè olim expressisti. Ita est sanè, Sanctissime, atque Regeneratissime THEODORE: ut scis illud vetus: Nemo repente fit malus; sic istud: Nemo repente ex malo fit bonus; multò minus ex Pagano Christianus, ex Atheo Theologus. Si miraculum alicujus repentinae conversionis alleges, aliquod in te ostendito. Nam non satis est, fieri Allobrogem, mutare vestem, erigere cristas, contrahere supercilium, simulare Calvinismum, cantillare Psalmos rhythmicos, verba dare, maledicere five Papistis (ut vocas) five Papanis, non omnibus, at certè iis, qui tecum non col ludunt, & eos magis odisse, quâm Turcas Otto-

Ottomannicos. An hæc certa signa, *Kαὶ τις μήριξ* \* sunt perfecti Christianismi? Ne ipsa quidem Sententia Religionis sola efficeret Christianum, præsertim Reformatum, & Reformatorem, nisi Conscientia bona accedat: Conscientiæ autem bonæ, & fidei *ἀνυπονητικῆς* \*\* quænam indicia, argumenta, fructus, conditiones sint, non ignoras: Ergo sis licet sciens non minus, quam *δαιμόνιος* \*\*\* aliquis, tantò tamen magis eris impius, si Religionem in solâ scientiâ constituis: neque minus eris Filius ejus, qui à principio fuisse Homicida, & mendacii Pater dicitur, quamdiu homicidio, & mendacio pollues tuam scientiam. Ad populum phaleras, mi THEODORE: nos te intus, & in cute novimus.

Exclamas, BALDUINUM non intelligere prima Elementa Christianismi, nempe vestri: sic enim Christianismum vocare videris nova Mysteria tuæ Conjunctionis, sacramentique militaris. Sed vobiscum tamdiu versatus, qui posset illa ignorare, quæ nunc tam multi sciunt? Quod ad Christianismum verum attinet, magis ejus leges, & regulas intelligit, quam velles. Sed, quantulumcunque est, quod intelligit, satis profectò est, ut ne principia quidem Religionis Christianæ satis reipsa, vos

---

\* Et manifesta indicia.

\*\* Sinceræ, finè hypocrisi.

\*\*\* Genius, seu bonus, seu malus.

vos colere, curaréve intelligat: tantum abest, ut, esse te, qui videri, dicique vis, credat. Neque dissimile nunc est judicium de te nostrum, & eò quidem securius, quòd statuimus, Reformationis singulare quoddam exemplum abs te requiri, qui aliis nunc esse vis norma, & lex nova vitæ; nè, cùm in tuam formam alios intentis oculis intueri vis, iis putates satisfacere, si solam cutem fucaveris.

Dura itaque est conditio Personæ, quam induisti, si eam tueri etiam velis: nam cùm in alios morosè etiam inquiris, illi in te multò magis. Ecce ut sunt multi nimiùm curiosi, atque molesti, principiò cavillant, Præfetto morum, Regeneratóque Censori, præfertim Lemannico parùm convenire, quam hinc istuc abduxisti Contubernalem, singularis tuæ continentiaæ testem. Nam & quia cum Jurisconsultis, quos tam miserè odisti, interdum colloquuntur, dubitant, num legitimum esse possit Conjugium cum eâ, quam priùs per adulterium, quod glorioso Programmate publicasti, (ut loquuntur) maculaveris. Audiunt, quod ais, Episcopum, ut olim Flaminem, unius uxoris virum omnino esse debere; sed audiunt etiam, esse debere irreprehensibilem, *καὶ ἀγέγυλητον*\*. An autem hæc tua consuetudo etiamnum reprehendi possit, dubitant. Non laudamus tales Inquisitores, qui

F                            omnia

\* Inculpatum.

omnia ad vivum resecant, vel in scirpo nodum  
quærunt: sed tu eos excitas, cùm tuī oblitus,  
alios traducis. Nos tamen, ne tibi diutius  
molesti sint, illud, quod in te primūm accu-  
sant, uteunque defendimus Lege quādam, qua  
ait: *Illas non relinqu, charitatis hortatur af-  
fectio, quæ ante Sacerdotium maritorum legiti-  
mum mērūere conjugium: neque enim Clericis in-  
competenter adjunctæ sunt, quæ dignos Sacerdotio  
viros suā conversatione effecerunt.*

Ecce, habes etiam Iurisconsultos & ami-  
cos, & Patronos: tametsi ejus legis conditio  
etiamnum durior sit, quām vellent, qui tuis  
deliciis favent. Tu verò aliā defensione ute-  
ris: Nolui (inquis) illi Heliodoro similis esse,  
qui Chariclæam Christianismo prætulit. Pul-  
chrè: tametsi non intelligo, cur hic Christia-  
nismum dicas pro Episcopatu. Ceterūm, ut  
planè dissimilis sis illi Heliodoro, vellemus, in  
hoc genere AUGUSTINUM potiūs, quām SYNE-  
SIUM imitatus effes. Intelligis, Vir accuratissime,  
quæ ab aliis intelligi necesse non est.  
Neque tamen divortium tibi quisquam im-  
perat, quia multi verentur, nè hoc genus  
Missæ nimiūm tibi placeat, ut majori cum of-  
fensione multorum utaris novo jure, quod  
nunc nobis dictas, cùm Antonium Calvinum,  
qui, vivente priore uxore, quam repudiavit,  
alteram duxit, fortiter defendis, quia statuas,  
satis, supérque esse, quòd ejus Frater, in suā  
Insti-

Institutione, inter Papistica, & Afinina (ut  
vocat) Decreta refert Legem nescio quam, quæ  
id prohibet: quia Magnificus ille Dictator exi-  
stimat, nos indoctos nunquam legisse AUGU-  
STINI Libros ad Pollentium de adulterinis con-  
jugiis.

Age verò, ut ad te redeas, Suavissime  
THEODORE, habes domi satis, quod agas, ta-  
metsi alienas familias non exagites: certè po-  
tiùs eos, qui te accusare possunt, placare de-  
beres, quām irritare Ipse BALDUINUS vix lui  
Musæi fenestram aperire potest, quin etiam  
invitus videat locum, in quo adulter, & leno  
aperuisti salacissimum lūdum turpissimæ im-  
pudicitiæ, & ubi postea perduellis miles, hoc  
est, plusquam lātro castra meratus es. Quæ  
putas de te in mentem veniunt, cùm talis lo-  
cus quotidie occurrit? Sed tu eos, qui tibi  
parcunt, etiamnum lancinas. Ille tamen &  
castis auribus, & pudori audientium parcen-  
dum esse obstinate judicat, si per te aliquando  
liceat. Nam etsi his diebus ea scripseris, quæ  
significarent, rectius eos facere, qui accusant  
adulteria, & sacrilegia; immò, si taceant, Rem-  
publ. exponere periculo iræ Divinæ; & al-  
legaris exemplum unius Achan \* Sacrilegi,  
propter quem non delatum, nec punitum ira  
Dei in universum Israëlem exarsit: hæc (in-  
quam) cùm multos movere possint, ut tua

F 2

scelera

---

\* Ios. C. 7.

scelera non dissimulent; tamen non est nostri pudoris evulgare omnes tuas nequitias. Itaque alios missos facias, quos protervè lacefis: non erimus hāc in re tibi diutiū molesti; neque tam severi erimus, quin Theogeni scilicet Chariclæam, sinè quā vivere se non posse professus est, cum novo Sacerdotio facile relinquamus: atque etiam Canonicæ pœnitentia loco habeamus, quod aliquando suaviter subridens, ab oculo sinistro lacrimulam fictam fortè elicueris, quā defleres & prioris vitæ, & carnis infirmitatem. Nam etsi te dicas nondum fuisse Christianum, cùm ita amares; tamen eo ipso tempore Versibus expressisti Davidis de adulterio confitentis pœnitentiam, cuius aliquando formulâ usurpus scilicet esses. Ceterū ut nullam des suspicionem veterum reliquiarum, in aliquo animi tui recessu residentium, atque fumantium, ebullientiūmve, vellemus profectò, pudicior, etiam quām sit, nunc esset lingua, stylusve tuus, præsertim cùm non ignores vetus illud:

*Nihil interest, quibus membris Cynædus fias.*

Atqui cùm in BALDUINUM, qui ista vetera arcanæ turpitudinis tuæ mysteria non intelligit, detonas, nescio quomodo & tuī oblitus, & prioris nequitiae tuæ memor, sæpius Cynædus (ne quid turpius, quod adjicis, dicam) in ore habes, quām conditioni nunc tuæ conveniat; nisi si, qui tonando vis videri Juppiter  
igīy-

εργάσπος \* (ut in Heshusium ait) sic etiam loquendo Ganymedaeus simul dici velis. Quid multa? quia non nisi Ciceronicolas amas, ambò, patere, ut istud Ciceronis tibi revocem in memoriam: Næ tu jam mecum in gratiam redeas, si scias, quām me pudeat nequitiae tuæ, cuius te ipsum non pudet. Patere æquo animo, ut ex eādem Oratione audias quoque istud: Jam stupra, & flagitia omittam: sunt quædam, quæ honestè non possum dicere: tu autem eò liberior, quod ea adminisisti, quæ à verecundo Adversario audire non posses. Quid igitur? Nos quidem certè adeò nullam in te maculam reliquam esse vellemus, quæ tuam Personam dedecorat, & minuit Authoritatem, & fidem detrahit, opinionemque tuæ regenerationis; ut & illam labem, quam tua (ut ajunt) nimùm tibi assentata Venus, honoris causà, tuo corpori inussit, deleri, si fieri posset, vehementer optaremus.

Sunt quædam vitia tanquam nævi, in quibus observandis, notandisque minus severi homines sunt. Sed illud, quod in te nunc reprehenditur, tale est, ut occurrat statim, atque tu cum istâ tuâ Personâ, larvâque Censoriâ prodis in publicum, & aliis risum, aliis stomachum moves, quantumvis multa similes, ut non modò crimine, sed & suspicione criminis carere te probes: adeò te premit præ-

---

\* Valde, cum iracundiâ tonans.

teritæ vitæ, quæ naturæ tuæ testis est, assidua recordatio. Itaque ipse pudor, si quis modò in te reliquus est, (sed quis reliquus esse posset in Cynico Pseudolo?) inclutum te domi, aut in aliquâ latebrâ abditum (nisi fortè Lutetiae malis includi Monasterio Filiarum, ut vocantur, Pœnitentium, earumque fieri Abbas) continere deberet potius, quam cum isto propudio projecta audacia te extrudat in aliquam Censoriam Scenam severæ in alios animadversionis, præsertim ubi notus es, & Theatrum circumstant Alumni, Alumnæve veteris tuæ disciplinæ. Nam extra Galliam, ubi eris ignoratus, fortasse minus laborabis, ut etiam habearis pro Archi-Gallo Cybeles: utque facessant illi molesti intercessores, qui, quia forte legerunt in Ethnicâ Græcorum Republ. hanc legem: *Ex meretrice natus nè concionetur;* putant in Ecclesiâ ferendam hanc esse: *Ex meretricis gremio egressus nè concionetur:* & somniant alioqui eventurum tibi esse, quod CICERO narrat evenisse, cum P. Clodius de Sacris Romæ concionaretur. Ceterum, ô noster Hierophanta \* (nam Sycophantam \*\*, quo verbo alios ornas, dicere non audeo, ne quis putet, te non solum ficus edere, sed etiam ficos

---

\* Sacrorum Antistes, qui Sacra, & Ceremonias docet.

\*\* Calumniosus delator. Olim etiam dicebantur Sycophantæ, qui ex ficubus vietum sibi comparabant.

ficos alere) alia Præscriptio est, quæ tibi obstat, nè leges feras novas de Religione, néve Ecclesiæ Sacrarium ingrediaris, ut alios exclusas, & excommunicates: dico crimen Sacrilegii, cuius jam tum, cùm hinc propter Doletanæ Religionis suspicionem, & vitæ impudicæ infamiam, & æris alieni molestiam fugeres, reus fueris propter eam, quam scis, sacrilegam nundinationem Beneficiorum (ut vocantur) quæ tam nullo jure possidebas, quām malā fide vendidisti; nè non cum Chariclæā ex Aegypto aliquid asportares prædæ sacræ. Putarunt aliqui, factum id quoque esse religiosè, ut, cùm istuc venisses, manum iteres sacrorum causâ, quemadmodum veteres loquebantur. Sed non convenit vetus formula: Puri probi, profani sui auri. Intelligis mystria harum Antiquitatum.

Itaque aliam tibi defensionem pares, neceſſe est. Nam & crimen auxisti, quod litigiosi Monasterii mancipem, à quo repræsentata tibi futurorum annorum merces erat, indignè fellisti, cùm postridie alteri illud venderes: neque tamen minus circumvenisti emptorem, cùm venderes, quod tuum non erat, quódque etiam paulò post fuit evictum. Quot, putas, propterea Legibus, Judiciisque etiamnum obnoxius es?

Fortasse negabis, te Simoniæ (ut vocant) reum esse, quia Magister tuis in Actis Apostol.

F 4

negat

negat ita vocari debere. Sed voces, ut velis: si, quod abstulisti, Sacrilegium non est; nos, ut superstitionis sumus, saltem nescimus, quo jure id feceris: & scire vellemus, ecquam istic statim absolutionem impetraris. Nam, quod nunc narras, laudandos nihilominus esse eos, quorum numero haberi vis, qui hinc istinc fugientes amiserint spem, quam habebant, impetrandorum hujusmodi Beneficiorum: saltem non erit legitima purgatio, si eam animo spem retinuerint. Vide igitur, nè iterum, iterumque pœnitens, cùm tu nuper reversus es cum tanto Satellitio Equitum Beneficiariorum, dicaris id fecisse novo jure Postliminii, ut, quod amiseras, magno cum sœnore, & multorum annorum reliquiis. Imò verò ais, istic puniri Sacrilegos. Credo, si istic Sacrilegium fiat: sed quod alibi factum est, nescio, quo jure nunc istic invenit suum Sacrarium. Testem si requiris, non aliud, quām te citabo, si, quæ fiunt, potius, quām quæ dicantur, observari velis.

Ignosce, Religiose Præsul, hominibus superstitionis: non capiunt statim tuæ defensionis mysteria. Excusas direptionem Ecclesiasticorum Anathematum, quia multæ inclusæ fuerint Reliquiæ falsæ, & adulterinæ: quod tu etiam antequam inspiceres, ex Inventario, quod istic non temerè jam primū editum est, fortasse sciebas. Sed thecas ipsas neque auri

auri falsi, neque Gemmarum adulterinarum fuisse suspicor : sed neque Jure Accessionis fuisse commissas existimo : tametsi nostrâ, vel BALDUINI privatim non intersit, quid de iis statueris ; & cùm libripendem tibi adfuisse narres, nihil præterea inquirimus. Illud modò vereor, ne, cum multi Verrinas de Signis \*, quas Fraterculus tuus, & Commilito tibi dicit, relegent, tu multis in mentem statim venias : aut, quia duos tantùm Brennos olim Gallia protulerit, tu tertius fuisse dicaris : tametsi obtendas defensionem, quam olim Dionysius Siculus ; nisi malis illam Poëticam :

*Dicite Pontifices, in Templo quid facit aurum?*

O te beatum, quem neque exempla, neque versus unquam deficiunt, si quis te urgeat!

Sed de aliis spoliis, quorum reus es, ecquid dicas? Ne quid in eo genere abs te, & iis, quibus præeras, factum fuisse dicatur finè sacris literis, & exemplo bono; en istinc nunc allatus libellus est, qui defendens factum, allegat, sic ab Judæis discessuris spoliatos fuisse Aegyptios. Pulchrè. Sic enim & superiori-

F 5 bus

---

\* Cicero in Orationibus Verrinis multa narrat de statuis, signis pretiosis, injustè à Verre ablatis, & aliò transportatis.

bus annis Anabaptistæ Monasterienſes responderunt, cùm interrogarentur, quo jure Urbem Episcopalem diripuiffent. Sed tui fortasse cautores ſunt, Prudentiſſime THEODORE; nam eadem illa eorum defenſio, quaſi diſſideret Exemplo ex ſacris literis repetito, profert præterea quandam Conſtitutionem Civilem, quæ ſignificat, aurum Barbaris & eripiendum, & furripiendum eſſe. Pape! quanti eſt ſapere! Et Legum Professoribus nunc etiamnum infenſus eſſe potes, quo-rum beneficio conſequeris, ut utroque Jure defendantis?

Ceterū ſupereſt ſcrupulus unus, quem non tam facilē eximas: & in quo tamen eximendo laborare debes, priuquam aliud fuſcipias. Diſſimulo alia criminā, quæ te jugulant. De perduellione capitalem litem alii (vellem) toties non moverent ex lege, Horrendi Carniſis. Sed cùm toties alios, qui tibi diſſimiles ſunt, crepas eſſe Apoſtas, Transfugas, Prodiſtores: videris velle juſtam recriminatio- nem tandem audire. Saltem enim cùm Ang- lis Portum Galliæ vendidiſti, atque prodiſti, & Patriæ tuæ, & Regi tuo injuriā fe- ciſti; quod ſi tibi licuiffe putas, quia te Bur- gundum inſcribis, tantò magis iſpis Empto- ribus nunc teneris de eviſtione. Sed hæc, fi- vis, nunc diſſimulentur, & ad BALDUINI Com- mentarium de Legibus Maſtatis, ſive Per- duel-

duellionis \* rejiciantur, quibus etiam, cùm  
quidem in iis multa sint, quæ te non leviter  
pungant, vehementerque premant, non du-  
bitamus aliquando responsuram esse tuam ge-  
nerositatem.

Interea tamen vereor, ne non tam facile  
deleas, eluásque sanguineas maculas, quibus  
confpersus esse diceris, cùm tot cædibus te  
inquinaveris; imò verò propterea triumphas,  
& alterum te esse gloriaris Jehu \*\* qui Sacer-  
dotes Baal maestaverit, & veluti sanctum Du-  
cem Levitarum \*\*\* qui multa millia Idolola-  
trarum trucidarit. Nam & quod Mofes præ-  
cepit, ut ii de more expiarent cruentas suas  
manus \*\*\*\*, tu interpretaris, earum potius  
consecrationem fuisse in illâ cæde. Deus bo-  
ne! ecquo recidimus? Ipse Mofes jussit suos  
milites, qui jussu ipsius etiam Dei occiderant  
Madianitas, aliquot diebus extra Castra ma-  
nere, & expiari: &, quicunque vel mortuum  
cadaver tetigerat, expiandus erat \*\*\*\*\*. No-  
ster verò novi fœderis Präco sanctum se esse  
jactat, cum est sanguinarius. Quid? An illud  
etiam

---

\* Commentarius hic fortè nondum editus, saltem  
nec à LUDEWIGIO recensus, neque alias  
mihi cognitus.

\*\* 4. Reg. 10. 17. 25.

\*\*\* Mofen. vide Exod. 32. à ¶. 26.

\*\*\*\* ib.

\*\*\*\*\* Num. 19. ¶. 11.

etiam Epistolæ ad Hebræos \* occinet: *Omnia propemodum sanguine purgantur secundum legem?* Atqui saltem meminisset, humanum sanguinem exceptum fuisse. Quid te moneo, Clementissime THEODORE?

Exclamas etiam, te multos Sacerdotes, & Monachos tuâ pecuniâ liberâsse, atque redemptos præsenti neci eripuisse. Quis jam non exclamet, factum denuo te esse Abbatem, & quidem, quàm antea meliorem? O liberalis Redemptor, Protector, Servatörque Monachorum! itáque, ais, prodituros, si oportuerit, nempe ut jam non nEXi servi, sed pileati liberti triumphalem sui Liberatoris currum sequantur. Sed aut ego valde fallor, aut metuunt, nè imiteris, quod Romani Triumphantest statuebant de suis captivis, aut eorum saltem Ducibus: & quamvis passim Cruces cum crucifixis dejeceris, Crucem reformidant. Atqui tu nuper edixisti, ne Judices, Romano more, Crucis utantur suppicio: quia scilicet tam eam figuram veneraris, quàm CONSTANTINUS, qui hoc antea edixerat; vel quia tu furcâ fortasse, quàm Cruce dignior es. Audio: trepidant tamen etiamnum tui Redempti; & meminerunt, non procul absuisse te, cùm in quodam Templo tui Carnifexes, ad CHRISTI Crucifixi Imaginem infamandam, atque funestandam, in eādem Cruce hinc, & illinc  
Sacer-

---

\* C. 9. v. 22.

Sacerdotes strangulatos suspenderunt. Et miraris, si tibi tam fideli Domino nondum fidant illi abs te empti, quos, ut victimas immolares, adservabas.

Sed age: para tibi aliam defensionem sanguinariæ tuæ sanctitatis: nam, et si fatuos, & effeminatos, & superstitiones esse judices veteres Christianos, qui judicabant, sibi per suam Religionem non licere spectare Ludos Gladiatarios: tamen cum ex Candidato factus es Purpuratus Miles, crux Civili rubens, & madens, quem sitiens hauseras, cum insultares acervis cadaverum; quam, putas, purus, sanctusque ex castris, & prælio ad Ecclesiam (ut vocas) tuam es reversus, ut nunc manibus non illotis, sed cruentis, sacra tractes, & stylo sanguinario alios etiamnum persequaris? Credo, legisse te aliquando Canonem Nicænum, qui mirabilem Pœnitentiam, & Exomologesin requirit ab iis, qui abs militia ad Ecclesiam redeunt. An exclamabis, Papisticos esse Canones, quibus jam pridem solutus sis? Imò verò potius oppone Poëticam exceptionem:

*Nulla fides, pietasque viris, qui Castra sequuntur.*

Dices, nullà tibi opus esse aut defensione, aut purgatione, aut abolitione, quia aīs, posse nos ex multis, qui interfuerunt, audire, quid in Militari Concione præmonueris paulò ante illud

illud funestissimum, quod etiamnūm deploram⁹, praelium. At, quod illi nobis narrant, nihil aliud probat, quām te in illo fuisse, quōd, MUNCERUM Concionatorem in Germanico tumultu Rusticorum fuisse, narrat SLEIDANUS, nisi aliquem Theudam, de quo L̄ticas, malis, ut, cūm in Actis Apostolorum irrisurus Venerabilem Venerandi Magistri tui inficitiam, *καὶ ἀνισορίσιαν* \*, annotaris, duos fuisse Theudas, nunc tertium adscribas, hoc est, te ipsum. Næ tu mirabilis es Artifex subtilissimæ imposturæ, qui jam suaviter efficis, ut neque astutissimi, quos irrides, neque fortissimi, quos jugulas, sentiant aut se irriteri, aut jugulari. Nullum, credo, extat in ullâ historiâ exemplum simile.

Sed si superioribus Exemplis aliquod adjiciendum sit, adjicerem Cretensem illum Impostorem, qui, temporibus THEODOSII, simulavit, se esse Mosen, Cælo delapsum; &, cūm fictis Vaticiniis vesanam multitudinem coegisset, eam ad littus adduxit; pollicitusque, fore, ut aqua cederet, jussit insilire in mare, multisque mox pereuntibus, clam se subduxit. Nihil scilicet tale nuper fecisti, cūm, ubi Classicum post Concionem insonuisses, & pistolica tela evibrasses, non modò stetisti post principia; sed &, aliis fortiter cadentibus, velociter effugisti: certè tam fatuus non fuisti, ut seque-

---

\* Et Historiarum imperitiam.

sequereris tuum Collegam, qui, ut servaretur, capi voluit. Triumphas nihilominus, te procul ex edito colle spectatorem fuisse funestissimi conflictus. Et fortasse expertus es, quod Sulla olim dicebat, cum audiret gemitus civium, qui trucidabantur. Seneca non modò insanum, sed & insanabilem fuisse judicat quenquam Volesum, qui temporibus Augusti, cum trecentos unā die securi percussisset, exultans exclamavit: O rem Regiam! Quid de te Christiani dicemus, qui, cum tot millia fortissimorum Civium, atque adeò florem Gallicæ Nobilitatis in acie indignè occumbere vidisti, (nè quid gravius dicam) non exhorruisti?

Legeras quidem, quod MINUCIUS (nam eum, in gratiam BALDUINI tui, legisse te, ait) loquens de veteribus Christianis, Nobis (inquit) Homicidium nec videre fas est, nec audi: quodque Athenagoras adjicit, nè iis quidem licuisse Spectatores esse publici alicujus supplicii, & criminalis animadversionis. Sed tu, cum illâ fatuâ, & superstitionâ (ut vocas) Antiquitate nihil commune habere te gloriaris. Imò verò, quia prælium illud in Campis Druydum commissum fuit, veterum Gallorum antiquo more, mactari Viictimas humanas fortasse non noluisti, præsertim cum talibus hostiis tam delectaris, quam Sacrificium *avaiματος*\* odisti.

Sed

---

\* Incruentum.

Sed jam saltem iis parcere tuus stylus debet, qui nunquam arma induerunt, nusquam Castra viderunt; & in Civili tumultu videntes, potius quos fugerent, quam quos sequerentur, secesserunt, ne vel viderent, vel audiret, quae diutius aut videre, aut audire sine acerbissimo dolore non poterant. In eorum verò numero fuisse BALDUINUM cùm non ignores, & omnes sciant; quid illi adscribis, quod tuum est? Ejus etiam domum in tumultu, tanquam Aram, & Asylum, patuisse protegendas & corporibus, & bonis quorundam, qui Tui esse dicuntur, non nescis: & si negas, testes tibi opponam familiares tuos (qui etiamnum agnoscunt, quod debent) Collegam (inquam) Concionatorem, & ipsum Wechelum, quem Commilitonem tuum fuisse narras. Et tu, homo ingrate, nihilominus fingeres te ejus beneficii esse oblitum? Imò verò, cùm narres, Collegam illum tuum etiam vitam suam debere BALDUINO, exclamabis, Tuos esse tractatos, ut tu tuos Adversarios tractastis?

. Et quid tandem magis ridiculum est, quam homuncionem togatum, inermem, infirmum, ab sanguine abhorrentem, & qui nequidem aciem districti ferri inspicere auderet; denique hominem (si nos Apostolicè loqui mavis) ἀναχον, μὴ πληκτου \*, fingere imitatem esse armati, & militaris tui furoris?

An

---

\* Pacificum, non percussorem.

An tam stupidam, & cæcam, & obliviosam Galliam esse putas, ut non intelligas, omnibus videri, te de te locutum esse, cùm tragicè describis, quendam ridentem vidisse, cædes totâ urbe fieri; ædes, fortunásque omnes à furente multitudine diripi; honestissimos viros, spectatissimas Matronas per urbem mediâ luce lacerari; sepultorum cadavera effodi; quosvis crudelissimè excarnificatos in fluvium præcipitari; non virginibus, non prægnantibus, non ipsis puerulis ab uberibus Matrum pendentibus parcí. Tum verò istum, ipsis Saxis ad hæc horrenda spectacula colliquescentibus, non modò securum omnia spectare, sed unum etiam esse ex iis, qui Carnifex in Cælum efferrent &c. Agnoscis, tuis verbis expressam tuæ insaniæ picturam, Venane Declamator? Addis & hæc: Quid Galliam commemorem, hominum promiscuis cædibus redundantem? Quid uxores in viorum, Virgines in Matrum sinu & constupratas, & jugulatas? Quid infantes ab uberibus Matrum ad cædem tractos? Quid prægnantes mulieres vivas incisas? Quid honestissimos Viros crudelissimè interfectos? Quid cadavera ipsa raptata, laniata, canibus objecta, in flumen præcipitata, quid infinita alia inauditæ immanitatis exempla? Quid denique (quod memini fuisse quavis crudelitate acerbius) tot convitia in CHRISTUM ipsum contumeliosissimè jactata? Hæc tu de tuis scilicet actis.

G

Neque

Neque tamen adhuc omnia commemorâsti: nam multa cautè præteris, quæ tamen ipsa etiamnum ex suis sepulchris eruta Martyrum, & Principum ossa, & aliorum insepultorum jacentia etiamnum cadavera & Templorum eversorum parietinæ (licet homines taceant) clamant, futura ad omnem posteritatem monumenta incredibilis tui furoris; Nam & accidit, quod olim, cùm Persæ incendissent Templa Asiæ, Græciæque, Jones prohibuerunt ea instaurari, ut ipsæ ruinæ Posteris essent testimonia, atque monumenta Barbaricæ impietatis.

Ergo, ô noster Attila, ô noster Alastor, Dux horrendæ vastitatis, priusquam de Religione tam ferociter concioneris, vide, ecquam Deo, hominib[us]que rationem reddes armatæ tuæ militiæ, & immanium actorum. Fatui profectò, & nimium simplices illi ante biennium erant, qui te Ministerii novi reum, & de extraordinariâ vocatione nescio quid fingentem, atque balbutientem, non modò rogârunt, aliquo ut eam vocationem signo extraordinario comprobares (quod olim LUTHERUS ab illo tui Ordinis MUNCERO postulabat) sed etiam callidè respondentem, id te brevi facturum esse, minimè intellexerunt. Nos, quid tunc cogitares, et si antea forte non essemus suspiciati, nunc dubitare non possumus. Sed si quod in Cælis Numen esse credis, scito, te

re semper Deo, ut hominibus, impunè illudere non posse. Tu quidem jam, fortasse per ludibrium, BALDUINO, & nobis concionaris de conscientiâ, ejusque vi: Sed illa, illa tibi Carnifex erit, tēque, ut Cainum in suâ fugâ trementem, & trepidantem, noctesque, diesque torquebit: neque, si Judicium manus effugeres, effugies Dei judicium.

Atque ut te tuis verbis constringamus, enaudi, quod in alios abs te dictum, in te retorquendum est: Quære latebras, Transfuga, quascunque poteris; vel etiam quamcunque vel natura tibi suppeditavit, vel à tuâ cohorte nancisci impudentiam, & audaciam poteris; opponito tuum illud facinus, cuius in tuo pectore insculpræ, & indelebiles notæ in tuo isto vultu eminent, quantumvis ad omnem turpitudinem comparato, tacentibus etiam nobis, latere te diutius non sinent, & in lucem protractum ne respirare quidem patientur, donec infelix coram Deo, & hominibus sententiam in te ipsum feras. Idque tanto magis, quia te fugientem insequitur terribilis ultiō atrocissimi, & inexpialis parricidii postremi, quod Sicarius Poltronus tuus, abs te subornatus perpetravit. Scis, quid ille de te ultrò sit confessus: quæ confessio ita te perculit, ut attonitus, trepidansque repente ex Galliâ totâ fugeris. Sed nullum est Asylum, quod te tege re possit. Ipsi etiam, ipsi versus tui te inse-

quentur, & excitabunt: Téne quietem ducere, quem ad pœnam poscunt pro immanibus ausis Tartara? Geminóque nocentem crimine, Cælorum fas est convexa tueri, Qui Divos, qui te, Patriamque tuosque scelestus prodideris. Reliqua non adscribo: tenes enim, quia tua sunt.

Utinam verò, quam tali admonitione commotum ad pœnitentiam fuisse Davidem narras, tu te ad eam commoveres! Sed quid? audebis potius cum tuis monitoribus opponere, qui hisce diebus istinc allatus ad nos est, libellum omnium, qui istinc unquam prodierunt, flagitiosissimum libellorum; qui defendit Poltronum illum tuum, omnium, qui unquam fuerunt, nefariorum Sicariorum sceleratissimum; pietatisque titulo etiam ornare vult & tale parricidium, & telum impii latronis, qui invictissimum Principem proditoriè confudit: denique tale monstrum perfidiosi insidiatoris gloriosè cum Mose, & Davide (ô blasphemiam antea inauditam!) comparat, quia ille Aegyptium, hic Goliath occiderit: denique amplissimis in Galliæ Judicibus, qui tales Assassinum justissimo supplicio affici voluerunt, dira minitatur. En quo recidimus? Ille quidem carnifex hoc fortasse fecit ingenuè, & fideliter, quod te & subornatorem, & authorem suum nominârit; sed an propterea, sanctissime Theodore, inter sanctos Martyres nunc referendus erat? Nempe quo jure Cara-

callus

callus  
plo c  
telun  
fereti  
Pauli  
admi  
plora  
S  
cedit  
non  
ricid  
tali e  
Heri  
lere  
abut  
adve  
strat  
unq  
hil i  
re P  
imp  
exe  
mar  
posi  
nia,  
Tar  
cent  
illa  
test

callus sicam, quâ fratrem trucidârat, in Templo consecravit, vos vestri Pultroni pistolicum telum inter Apostolicas Reliquias religiose referetis. Legisti, quinam sint, & dicantur apud Paulum ἀπηλγηκότες, καὶ ἐνδοκήσαντες ἐν τῇ ἀδινίᾳ \*. Summus profectò is gradus est deploratæ impietatis, atque vitiositatis.

Sed quò non evaditis? Longius etiam procedit projecta, & impudens audacia. Nam non modò laudat te immane factum illius parcidæ; sed & ad consequentiam trahi vult, & tali exemplo contendit, fas esse, fidem fallere; Heris suis infidiari, & quoquo eos modo tollere: neque solùm Sacris Litteris propterea abutitur; sed & ex Jure Civili repetit, dolum adversùs hostes bonum esse; denique inter stratagemata, atque perfidiam (quod nulli unquam Barbari latrones fecerant) clamitat nihil interesse: Corrumperè servum, subornare percussorem, & paetâ mercede ad scelus impellere, facinus est mali, & periculosi exempli; sed opinione Religionis illud confirmare, quale scelus est? Assassinos olim, propositâ spe vitæ æternæ, & beatæ, ad latrocinia, & cædes eruditos, incitatósque fuisse in Tartariâ, accepimus: sed anni plusquam trecenti sunt, ex quo tempore, ut illorum in illa Barbariâ asylum eversum fuit, sic & destabilis eorum memoria eodem tempore in

---

\* Qui dedoluerunt, & consenserunt iniquitati.

Lugdunensi Concilio damnata est, & reliquæ severissimè profligatae. Et nunc in Gallia renascentur cum Religionis Reformatæ professione? En (iterum dicam) quò recidimus? I nunc; & cum talibus Zelotis de Religione agito.

Audieram, superiori sæculo in Bohemiâ, cùm ZISCA Reformationem, qualem hodie Gallia videt, institueret, hoc est, Religionis nomine, vi, & armis Regnum illud evastaret, non defuisse Concionatorem, qui oleum adderet camino; Quendam enim Joannem Taborensem tum edidisse librum terribilem, cuius inscriptio erat: De occidente omnium malorum in mundo: Sed jam funestiorem Concionem audimus, quæ & insidiatricem, & domesticam prodictionem, si mactandi sint, qui adversarii esse dicantur, prolixè commendat. Deus bone! quænam hæc Religio est? quænam mortificatio, comes Religionis? quænam, quæ a sanguine dicitur, Sanctitas? Et tu, alter in Gallia BRUGANDE, alter ex Bohemiâ ZISCA, nos pro tuo imperio cuges assentiri tali Catechesi, etiamsi cùm eâ conjungas aliquam pietatis simulationem? Tûne, furiosissime Apostata, clamitabis, esse Apostatas, qui abs tali factione deficiunt? Imò verò clama, quantum voles, & nunc clamitando, ut olim scortando, rumpe etiam latus: nos tibi confirmamus, Apostasiam talem tam esse Viris bonis necessariam, quam iis curæ esse debet

debet Christiana Religio: quam quidem Religionem cùm vos cum vestris actis tam conjunctam esse dicitis, ut, qui hæc fugerit, illum deseruisse dicatur; næ vos & Christo, & Religioni magnam injuriam facitis.

Renovas quæstionem de Apostatis, quam in alios abs te velles avertere; Sed mihi crede, vel si te ruperis, nihil agis, quamdiu in eo reatu haeres. Dictum tibi est, quid OPTATUS, & AUGUSTINUS responderint Donatistis, clamitantibus: Totus mundus apostatavit. Illos ipsos Donatistas fuisse schismaticos Apostatas, nè tu quidem (credo) auderes negare; Sed an multò melior sit causa vestra, videris. Ego quādam in re minùs audaces esse vos fateor, sed multis rursus in rebus multò & audaciore, & deteriores. Donec autem probaveris, cur, illis damnatis, vos absolvendi fitis, & AUGUSTINO satisfeceris, nihil est, cur inani recriminatione vexes eos, qui & ab illis, & à vobis, ubi ubi similes eritis, deficiant.

Vis, proprias aliquis te premat, urgeat, lacinet? quid si neget aliquis, vel legitimū esse te Ministrum Ecclesiæ, vel verum esse ministerium, quod usurpas? Quid si profanum, & adulterinum esse affirmet, &, quod in Posiaco conventu audisti, iterum audias? Quā vocatione, quā manuum impositione, quā successione te defendes? Dices, esse Ministerium tuum extraordinarium? Sed quo testi-

testimonio, quo signo, quo miraculo id probas? Ergo quo Authore, quo Jure, quo More, quo Exemplo vel tibi arrogabis, quod occupasti, vel Altare contra Altare (quod iam fecisti) erigis, ut veteres Christiani loquebantur, cum id esse nefas pronuntiârunt? Vis, ut te potius ciceronianè aliquis alloquatur? Dicet: Tu te ipsum adoptâsti, ut Lucanius, Parens tuus, se ipsum: ergo vitio creati, abdicent.

Quid igitur alios importunè lacefisis? Oculi te totum, miser, in tuâ latebrâ; si caput, si manum, si pedem exeris, periisti. In limine acer Adversarius adest, instat, imminet: ecquò, ut effugias, te vertes? Sed neque cum tuâ larvatâ, recocâque Apostasiâ proficies quidquam, si Antistitum peccata, quæ neque BALDUINUS præstare potest, neque minus, quam tu, accusat; neque quisquam Nostrûm defendit, tragicè excogitaveris.

Fatemur, quidquid in suos Sacerdotes Prophetæ fulminando dixerunt, dici in Nostros posse, & debere: Sed longius ut progrediaris, quam Prophetæ, non patimur. Neque si longius excurrentem non sequimur, aut etiam aberrantem deserimus, propterea ullo jure nos dices approbare alterius partis flagitia; ut neque eum, qui Bezanus non sit, propterea esse Papanum; aut qui Papanus non sit, propterea esse Bezanum probabis: cum

cùm neque tu, cùm Lutheranus non sis, Papanus dici; aut quia Papanus non sis, Lutheranus appellari fortasse velles: aut quia non es Guelphus, Gibellinus libenter audires. Sed hæc partium, factionumque nomina, quantum voles, te oblectent: Christiani ab iis & alieni sunt, & abhorrent: &, si fortè imprudentes aliquando nomen iis dederint, missio-  
nem petent, ut soli Christo adhaereant; & quod in utrisque partibus vel rectè fit, sequi, vel laudare; vel fit perperam, reprehendere, & fugere liberè possint.

Scilicet magna causa est, cur horribilem in tali, tamque Christianâ continentia Apostasiam fingas, ἐπιληπτικότατε \*. Theodore: sed agis tuo more, & quod de te dici potest, de alio dicis, astuto scilicet Jure Præoccupationis: itaque & ut tuus Hottomannus, Ecebolium crepas, nisi quod ex Socrate Historiam repetis, quam ille ex Eusebio stolidè dixerat esse repetendam. Sed priùs fingere debebas, Julianum Apostatam in Galliâ regnare; & valde quæstuosum, tutum, glorio-  
sum, aulicum esse, facere, quod nunc BAL-  
DUINUS facit, hoc est, fugere regnantem tuam  
factionem. Adjicere denique debueras, Ece-  
bolium illum aliquando audiisse Missam, cùm  
sinè hâc vix agnoscas Apostasiam: & poteras  
id eodem jure affingere, quo BALDUINO quid-

G 5

vis

---

\* Defectioni subjectissime.

vis adscribis: neque minus propterea in Ecebolio isto tuo BEZAM depictum agnosceremus.

Ergo gloriam illius Ecebolicæ versutiæ propriam habeto; quæ tibi fortasse tantò erit gravior, quod nunc meritus sis, ut Homerice quoque dicaris ἐνθύλος Απόλλων \* propter peritiam, & praxin, & excellentiam Theologiæ tuæ pistolicæ. Scilicet olim miser, pauper, desertus, incautus eras, cùm in tuo Benedicto Passavanio scribebas: *Nos pugnamus solo gladio; id est, Verbo Dni: nunc istud tuum, id est, O noster Gladiator, securè, & gloriösè expungere potes.* Et miraris, si BALDUINUS jam tecum pugnare, aut congre-  
non audeat.

Dices, te saltem & verbo, & gladio nunc pugnare. Sed si de Religione agis, talis conjunctio minimè est Religiosa. Et quid indignius esset, quam Christianismum propagari more Mahometano? Tu, quænam ratio sit tua, armare Concionator, videris; BALDUINO, qui Evangelium aliâ vi propagandum esse putat, non probari arma tua, quid miraris? Porrò de eâ, quam semper in ore habes, no- que minus, credo, in pectore, Apostasiâ, quid præterea, vis, tibi respondeat? Et quid tandem tecum religiosè tractari posset, qui, cùm ab eo nuper audiisses, non esse Apostoli-

---

\* Eminus jaculans Apollo.

siam à Christo, si quis vobis nuntium remittat, Kai τὸ ἀποστατόν \*., statim veteris tuæ nequitiae memoriam refricans, insusurrasti nefcio quid cynedicum \*\* de Sexūs discrimine confundendo, & viris pro uxoribus habendis. O nefariam obſcenitatem linguae Cynicæ, & Cynaedæ \*\*\*! O scelus! O flagitium nequitiae Bezanæ! tale profectò, tantumque nefas, quod neque pudicæ aures ferent, neque casti oculi legent, non potuit nunc venire in mentem nisi homini, in prostibulis Sodomiticis volutato, & talium fœditatum constupratâ, incestaque memoriâ etiamnum se se oblectanti: in buccam verò nunc id illi venire qui potuisset, nisi cujus os spurcum etiamnum redoleret, ruet, & spirat, quod olim turpiter imbibit? In nunc, & cum talibus de Evangelio agito. Non est certè opus alio indicio, ut quale sit ingenium, qualis Religio istius inceſti Hypocritæ, ex omni genere impuritatis concreti, atque constati, omnes intelligent.

Et tu, infelix Gallia, nondum intelligis, qualem sive Cupidinem, sive Ganymedem adores, cum huic talium libidinum Ministro, Doctorique larvato meres? Cæterum hic ego te per tuam, sive Angelicam Virginitatem, sive candidatam Theologiam obtestor, salaciousse

---

\* Et repudium.

\*\* Carens pudore.

\*\*\* Canini, & impudentis.

cissime Poëta, ut talia tua Itesphalica \*. Mysteria; quæ olim evulgatis versibus decantasti, non nisi tuis Sodalibus, ipso etiam usū edocetis, nota esse memineris; ignota verò, & inaudita BALDUINO, & aliis ingenuis hominibus, tam castè, honestèque educatis, ut eorum aures, oculi, cogitationes nullo modo possint audire, aut intueri quidquam tuæ tam pudendæ obscœnitatis; & quorum ipsa etiam pudenda (si ita loqui fas est) castiora profectò sunt, quam sit os tuum. Tantùm abest, ut alios ex tuo ingenio æstimare debeas, aut, quam in illâ tuâ Sardanapalicâ Palæstrâ gloriam meruisti, ad alios, rudes, indignos, abhorrentes derivare.

Itaque & illud putidè, ridiculéque facis, quod eum, in quo exagitando te exerces, ait nunc demum didicisse saltare. Nescio, an aliquis ex tuis exoletis Tibicinibus hoc tibi narravit, ut eum hâc saltem ratione fieri Bezanum tibi confirmaret. Sed mihi crede, qui fidelior sum testis; hâc rursus in re tibi planè dissimilis est BALDUINUS, neque nunc minus, quam olim alienus est ab illâ tuâ suavi, mollique disciplinâ; certè, quam semper fuit, tam est hodie quoque ἄμεσος \*\*. Talem Poëticæ impudicitiae Ludum cum hic aperires, & in eo regnares, ut ibi essent Choræ

(ut,

---

\* In lapsum temeraria, prona.

\*\* Imperitus.

(ut dicuntur in Poësi) irritamenta Veneris languentis, non invidet ille tibi tales, quas nunquam gustavit, delicias: ac ne nunc qui-dem tibi obstabit, si in tuo fornice clam (quia palam fortasse non audes) cum tua five Thaide, five Laide saltitare tripudiando velis, Fescennine Poëta, qui jam pridem etiam saltasti πίνωμα, καὶ κνισμον<sup>\*</sup>, fœditates tibi soli notas. Sed nè earum rudimenta aliis aspergas, qui abs te nunquam initiati fuere.

Fortasse nè non scitus Theologus etiamnum videreris, sugerente tuo Ciceronicola, judicasti objiciendum esse BALDUINO, quod Cicero narrat objectum fuisse Dejotaro: Sed nōnne mox sensisti, fore, ut tibi responderetur, quod CICERO tali calumniatori respondebat: *Quæ crux huic fugitivo potest satis supplicii adferre?* Reliqua tenes; itaque habeto & illa pro responso. Imò verò ut semel audias ad ea; quæ hactenus jactasti, spurca tua convitia responcionem te dignam; audi, quod Orator ille homini tibi simillimo respondisse fingitur, & patere, nos ejus Proœmio nunc ad te uti:

Eà demum magna voluptas est, Theodore BEZA, æqualem, ac parem verbis vitam agere, neque quidquam tam obscenum dicere, cui non ab initio pueritiæ omni genere facinoris ætas tua respondeat, & omnis oratio mori-

---

\* Sunt duæ species impudicæ saltationis.

moribus consonet. Neque enim, qui ita vixit, ut tu, aliter, ac tu, loqui potest; neque qui tam illoto sermone utitur, vitâ honestior est.

Reliquâ veteris illius Declamationis, quæ tenes, & tibi nunc objici posse non ignoras, habeto pro responso. Simul & in eâ ipsâ Oratione observato verbum, quod tam acutè notâsti in BALDUINI libello. Cùm is fortasse eo usus, latinè dixisset: ut breve faciam, pro: ut breviter dicam; mîro artificio ex eo ver- bulo eliciusti bellum, lepidum, facetum, sal- súmque scomma, alii licet nimis frigidum, jejunum, putidum, ineptum esse putent. Quid enim? statim somnians veterem tuam Praxin Beneficiariam, prôpterea excluas, BALDUINUM jam didicisse apud Cardinales no- vum Stylum Romanæ Curiæ, in quâ Breve nescio quid significat. Quid lepidius dici po- tut? Itaque triumphas, eum propè jam tuo exemplo factum esse Protonotarium. Sed iterum, iterumque erras, festivissime Theo- dore: ille, ut est rudis, & stupidus, ne nunc quidquam talium rerum intelligit; ne- que, ut intelligeret, unquam operam dedit; nunquam tuis illis quondam Sacris, Mysteriis- que initatus, nunquam ex suo Jure Civili tam sapiens, ut tuam illam artem ditescendi, quam olim considerasti, addisceret.

Ita.

Itaque non minus ridiculum est, quod toutes deblateras, illum tam familiarem esse Cardinalibus; ut nihil magis te torqueat, quam hoc somnium: quod esse hominis phrenetici, nisi si subtilius mentiri discas, omnes fani dicent. Maneat haec tibi propria laus, & gloria illibata, quod olim Purpuratos Patres Candidatus propé Abbas diu assestatus sis, non sine felici aucupio Beneficiorum, & inde ditatus, habueris, quod te oblectaret: & multis post annis, cum in Galliam, Reformationis ergo, rediisti, Cardinalitiam domo, mensa, spondâ usus sis: & nunc, ne ingratius videare, illorum oblivisci non potes, non tam quod iis invideas, quam quod ad dignitatem talem, mutato tamen Galero, aspires. Quidni? Tuos quoque olim Donatistas in Africâ suos habuisse Cardinales, testis est AUGUSTINUS.

Sed fortassis hoc nomen odisti, quia & Cardinalem veteres appellabant Clericum, suæ Ecclesiæ adscriptum, & tanquam glebae adscriptum, qui alio abire non posset: tu vero minimè vis, ita (ut loquebantur) cardinari: qui potius vis & esse vagus Ardelio, & interea videri Apostolus Oecumenicus, ut liberè huc, & illuc discurras: non ut ignominiosè pulsus Lausanâ, Genevæ hæreas; sed ut modò Aulicus Reformato, modò Parisiensium Ministrorum Magister, modò Castrensis Conciona-

cinator, modò Galliæ Patriarcha, modò Lemannicus Mercurius, modò Dux Equitum, modò Tubicen, modò aliud, quod dicendum non est, fias: & interea colludas cum omnibus, qui tibi usui sunt, qualescunque tandem ii sint, vel si sint, quod dicere nolo. Liceat tamen & hoc tibi novo Jure, Privilegioque Dispensationis, quo vobis licet, quidquid est utile: Itaque quām scias uti foro, & Aulâ, & quibus, & quām turpiter, atque religiosè, ubi est commodum, assenteris, quārendum non est.

Sed profectò nimis liberaliter summum tui honoris titulum tibi detraxisti, ut alium indignum ornares, cùm BALDUINUM appellasti πολυπράγμονα \*. Maneat hæc quoque propria tibi laus, quæ magno tuo labore parta, meritòque imprimis tuo tibi delata est.

Quid porrò convitiis tuis respondere possumus, cùm effundendo farraginem inflamatæ maledicentiæ ità confusam, ut duabus modis Satyra dici possit, simul præripueris verba omnia, quibus tibi respondendum sit, & mirificas propterea tricas nobis objeceris? Singulis paginis BALDUINUM furens criminaris; te, Calvinūmque impudens laudas. Sic vos, regeneratissimi Rhetores, quod de vobis dicendum esset, de illo dicitis: quódque de illo esset

---

\* Industrium, multis negotiis se implicantem.

effet dicendum, priores dicitis de vobis ipsis.  
O admirabile artificium hominum propè Di-  
vinorum, cui nihil est, quod objiciatur! Cre-  
do, quia legeras, quod Eustachio Medico  
scripsit BASILIUS de suis adversariis Calumnia-  
toribus, ubi eos comparavit cum lupo, quem  
Aesopus narrat dente Oviculas viciisse, quas  
ratione non potuerat; & eos modò unum,  
modò alterum crimen variè, confusèque fin-  
gere, & ubi omnia fingendo nihil proficiunt,  
odio tamen insatiabili pugnare narrato Tu eos  
imitari, atque etiam superare voluisti.

Interea non minùs scitus es Artifex, cùm  
de te loqueris. Quid enim? Principium hoc  
tuum est: *Postquam tandem singulari Dei bene-  
ficio ex longâ peregrinatione domum, id est, ex  
Patriâ ultrò in exilium sum reversus &c.* Sed  
nimis saepe aberras, optime Interpres, cùm  
adjicis tuum istud, *id est*: hic enim potius  
adscribere debebas: *id est*: posteaquam in  
Gallia, Patriâve perpetravi, quæ animus me-  
minisse horret, rursus fugi Genevam. Tum  
verò succinemus poëticè Carmen aliquod  
*ἀποβατίγιον* \*, antiquo more, nisi fortè ma-  
lis *ἐπιβατίγιον* \*\*. Ac, si fortè tibi non satis-  
facit illa Exclamatio CICERONIS in Antonium:  
*At quàm nobilis tua illa peregrinatio!* exclama-  
bimus:

---

\* Carmen, quod canitur in Amici discessu.

\*\* Carmen, quod canitur in Amici reditu.

bimus: O admirabilem, & propè miraculosam peregrinationem, præsertim Religionis ergo! Cogitabas in èa fortasse Peregrinum illum Luciani, familiarem tuum: sed tibi melius cavisti, qui alios, quàm te ipsum, præcipitare maluisti. Obscro verò, Religiose Peregrine, qui non Templorum modò, aut Reliquiarum, sed majoris rei causâ mirabilis hospes in Patrià fuiſti, ecquid putas alios judicare de istis tuis Herculeis laboribus? An ulli unquam Gothi, Scythæ, Hunni, Vandali, Saraceni minùs religiosè in Galliâ peregrinati sunt?

Sed ne quid effutiamus, in Epilogo nobis opponis nescio quam legem ἀμνοστείας \* Cautè profectò: utinam verò tot malorum oblivisci possemus! Cæterùm, ô Bone, silentium potius, quàm oblivionem nobis impereare potes, ubi tam lugubria monumenta tuorum Actorum, quæ etiam invitis in oculos incurruunt, discedens reliquisti.

Cæterùm ut Historia integra sit, adjicienda est prior illa tua peregrinatio, cùm ad excitandam Ambrosianam conjurationem, tumultumque illum ciendum, per Galliam, mutatà veste, cum tuo HOTMANNO discurristi. O incredibilem & profecto nimiam bonæ Galliæ patientiam! Sed hæc in aliud tempus, aliúmque

---

\* Oblivionis.

que locum rejiciantur. Nondum enim patet, Theodore nos aut in limine Declamationis tuæ consistere, aut in illis observandis, notandis, recitandis immorari. Quid igitur? Multas statim paginas occupas, ut describas BALDUINI vitam: cuius (quem nunquam es allocutus, ut neque ille te unquam) tam & intimus, & assiduus scilicet Secretarius fueris, quam nunc fidelis Praeco vis videri. Nempe otiosi Poëtæ, cum vigilantes somniant, sic se solent oblectare, indulgendo suis Fictionibus, & Fabulis, & Specbris, & Prosopopœijs.

Sed illa nimis poëtica Prosopopœia est, quâ BALDWINUM fingis propè regnare, modò in Germania, modò in Galliâ, modò in Flandriâ, modò in Concilio Tridentino: ubique esse, ubique audiri; nunquam agnosci, semper evadere; omnia tractare, & miscere: quem tamen paulò post hominem nihil esse ait. Mirum verò, tibi tam occupato tantum esse otii, ut etiam tam procul observare possis omnia ejus vestigia. Pedem ille movere non potest, quin statim rescias. Consilia etiam, quæ nondum cepit, prævides: tam vigilantem (credo) cautionem in castris didicisti. Sed fieri vix potest, ut tam confusæ, quam est tua, Satyræ aliquo ordine respondeatur.

Sed quia peregrinationis tuæ mentionem fecisti, & quandam BALDUINI peregrinationem  
H 2

nem obiter notâsti, hinc Exordium novum repetamus. Nam & in eâ paulò diligentius exponendâ, ut tibi satisfiat, pluribus fortasse verbis opus erit; neque est quidquam, quod in tuam gratiam faciamus lubentiùs. Nihil (quod non dissimulas) magis te torquet, quam quod BALDUINUS, te per Galliam, Germaniamque discurrente, superârit Alpes Tridentinas, & (ut ais) in eo itinere Cardinalium fuit Ausecla. Bono animo esto, Theodore: ille, cum, nè diutius Spectator esset tuarum Tragediarum, non recusavit & in Italiam, & Tridentum proficiisci, Regis Navarri Legatus fuit: quo Principe abs Tuis paulo post confosso, cum acerbum vulnus accepisset, neque hybernis præruptorum itinerum, neque Alpinarum nivium ullis difficultatibus retardari potuit, quin domum statim properaret, si forte servare attonitam familiam suam posset; cui, in suburbii inclusæ, abs tuis cohortibus non temerè metuebat, cum tu ad urbem obfidendam eas evocâsses, ut, quam pestis paulo antè affixerat, tu hanc Metropolim, o ingrate Alumne, everteres; vel, ut Nero suam Roman, incenderes, saepe etiam Tyrannicis verbis precatus (ut citius totam conficeres) utinam populosa Lutetia unam cervicem haberet!

Evidem in toto illo, diffcili certè, & longo itinere, perpetius, assiduusque BALDUINI comes

comes fui, ut tibi Itinerarium, quod vis, etiam describere possim; & verò cupiam, quia, ut video, multa de eo & falsa, & inepta tibi alius narravit; & vita nostræ scrupulosa etiam reddenda tibi ratio sit. Illud autem imprimis scito, non paulò meliorem, & nobiliorem, quam tua fuerit interea, fuisse peregrinationem illam nostram; neque tamen sine tui memoriâ sæpius renovatâ, neque sine vario me- tu, multisque periculis fuisse. Tu interea, dum hac narratione te recreabimus, arrectis auribus asta.

Superiori anno Nonis Octob. Lutetiâ Pari- forum non sine magno mærore tandem egres- si, venimus in urbem Trecassium, paulò antè abs tuis frustra tentatam, sed etiamnum tre- pidantem: ubi Lupi, illius egregii Antistitis, qui Attilam excœcatum circumagendo olim avertit, ut urbem servaret, successorem ali- quem Cives requirebant. Altero indè qua- triduo per medias Tuorum insidias penetravi- mus Diviodunum, tuæ Burgundiaæ Metropo- lim, sed minimè adhuc tui juris. Ibi pri- mum vidimus Cardinalem illum, cuius Pur- pura mirificè te torquet. Cùm autem pro- grediendum esset, non nihil attoniti substitui- mus, cùm audiremus Cabilonensem Episco- pum, qui nos sequebatur, abs Tuis inter- ceptum, spoliatum, abductum. Perreximus tamen Cabilonem usque, urbem paulò ante

à vobis direptam, atque doformatam: ubi  
primùm in Templo vidimus lituras, & linea-  
menta vestræ Reformationis, & audivimus,  
paulo antè cum illic Regeneratis vestro-  
rum Fratrum Synodum coisse, in quâ cùm  
alia multa præclarè fuerant decreta; tum Ca-  
non, nescio, quis informatus de exterminando  
Nobilitatis Ordine, posteaquam ejus armis  
exterminati Sacerdotes essent.

Ibi sanè nobis occurrit, & BALDUINUM ami-  
cissimè complexus est doctissimus ille Episco-  
pus, acerrimi judicii vir, quem nescio cur  
mutatum Episcopum vocas. Nam quòd illi  
adulatus es, ut ambiendo præripes, quod  
jam olim BALDUINO fuerat oblatum, nihil egi-  
sti: nam cui cùm tuâ mutatione nocere puta-  
sti, valde profuisti. Neque adhuc BALDUINUS  
obstat, quin illud obtrudas, negotium affe-  
ctanti HOTOMANNO tuo, jam pridem otioso,  
eámque offam objicias famelico, quia alio-  
qui tecum cantare recusat. Quid autem il-  
lic nobis narrârit ille, cui & nos credere ex-  
perto debuimus, & vos nunc fidem derogare  
non audebitis, Episcopus de vestris carceri-  
bus, imperio mero, Consistorio vestro, &  
de reliquâ audaciâ, ex aliis aliâs audies. No-  
bis certè urbem illam vobis ereptam, Regi-  
que restitutam spectantibus venit in mentem,  
sapientissimum fuisse vestrum consilium, cùm  
illam occuparetis, quam olim Julius Cæsar  
paran-

parando commeatui delegerat, cùm Galliam  
subigeret.

Quó propius ad vestrum Juram, traje-  
cto Arari, accedebamus, tantò magis cum  
metu periculum crescebat. Ac quidein Dux  
Allobrogum, amicus ille vester, de quo tam  
præclarè estis meriti, suis præsidiis tectos nos  
bono animo esse jubebat. Sed cùm procul è  
quodam monte timidè prospiciebamus fumum  
Lugdunensis Arcis, tunc vestræ, olim Ire-  
næi Domicilii, quām multa putas, nobis in  
mentem venere & de vobis, & de antiquissi-  
mæ Urbis fortunâ? Exclamabat quidam ex  
nostris comitibus illud Vetus: *O domus anti-  
qua quām nunc dispari dominaris Domino \**!  
cūmque plura vellet addere, expalluit, ut  
Lugdunensem Rhetor dicturus ad aram: me-  
tuebantur enim Excursores. Nos Urbi bene-  
precati optavimus, ut, si suâ oblita, jam ali-  
quot sæculis amisisset partam, retentamque  
tot antè annis veterem gloriam Religionis,  
eam aliquando cum reformatione recupera-  
ret: dico eam, quam, cùm propè Diviodu-  
num cunas BERNARDI spectaremus, in quâdam  
ejus Epistolâ relegeramus. Inter Ecclesiæ  
Galliae (inquit) constat profectò Lugdunensem  
anteire, sicut dignitate Sedis, sic honestis studiis,  
& laudabilibus institutis. Ubi enim æquè viguit  
disciplinæ censura? morum gravitas? matu-  
ritas

H 4

\* Cicero de Officiis.

*ritas Consiliorum? Authoritatis pondus? Antiquitatis insigne?* Præsertim in Officiis Ecclesiasticis haud facile unquam visa est repentinis novitatibus acquiescere, nec se aliquando juvenili passa est decolorari levitate. Hæc ille.

Quæ cùm tibi tam diligenter recitamus, fortasse otiosos esse nos putabis. Minime profectò sumus, Theodore; sed paulò jam sumus tranquilliori animo: quàm, cùm Rhodanus vester tunc trajiciendus nobis effet, non procul ab alterâ vestrâ Metropoli. Nam plerique somniabant, in illo vestro Lacu esse teturum carcere, & in eodem comitatu erant Theologi Parisienses, valde etiam senes, qui cùm nobiscum per avios montes profundâ jam nocte perreptarent, propè inciderant in Scyllam, cùm vellent evitare Charibdin: Ignarique viæ Cyclopum allabimur Oris \*, unus exclamat Credo equidem, vel tu misertus fuisses miserorum, si eos tam miserè jaçtatos, & percussoes vidisses. Jam quidem scribis, eum, qui istic tecum regnat, Pastorem celebrem, ineptè dici Polyphemum, cùm exiguus homuncio sit. Sed, O bone, reformidabantur Æthnæi Fratres, capita alta ferentes; &, quos emittere ille posset. Quidam cogitabant: *An nescis longas Regibus esse manus.* Patere, Doctissime Poëta, nos jam præteritorum

---

\* Virgilius L. 3. Aen. v. 569.

rum malorum jucundâ recordatione recreatos  
tecum ludere poëticis Flosculis.

Cùm ventum est Cameracum, non modo  
occurserunt decrepiti illi Carthusiani Gratia-  
nopolitanis suis, Mandris, vestro beneficio,  
liberati, pulsique; sed & Cl. Juris-Consultus  
GOULEANUS, non multo humaniùs abs tua Fa-  
ctione tunc vexatus: cuius profecto si Juris-  
prudentiam contemnis, at Musam cur cohore-  
rescere debeas, non nescis.

Quid multis deinde diebus in mediis Al-  
pibus egerimus, si quæras: Fatigati alsimus.  
Sed nequidem, cùm, superato monte Sina,  
Susas veniremus, extra jactum telorum vestro-  
rum esse nos, etiamnum attoniti audiebamus.  
Non faciam illam Galliæ nostræ injuriam, ut  
exclamem:

*Juvat evasisse tot Urbes  
Argolicas, mediisque viam tenuisse per hostes.* \*

Sed verè tamen dicere possum, nos de-  
mum respirare cœpisse, cùm, superatis Al-  
pibus, Taurinum appulimus, & domestico-  
rum malorum propè oblitos, de rebus Eccle-  
siasticis, quarum memoriam peregrinatio ipsa  
in re præsenti suggerebat, cœpisse animo ma-  
gis sedato inquirere. Non narrabo tibi res  
alias, quæ mìnus fortasse te oblectarent. Tau-  
rini

---

\* Virgilius L. 3. Aen. à v. 282.

rini inquisivimus de Scriptis illius Maximi, qui ante annos centum supra mille, illic magni nominis Antistes fuit: sed ignotus is erat Præfidiariis Militibus. Qui autem eum memineramus descripsisse vitam Eusebii Vercellensis, cùm Vercellas ingressi sumus, tanto magis quæstio fuit de illo tam celebri Eusebio, cuius imprimis laudata fuit in Mediolanensi quâdam Synodo Arianâ singularis constantia recusantis subscribere inquis Judicibus Athanasii.

Cùm ejus Historiæ recordatione venimus paulò post Mediolanum, ubi Ambrosii Sedem, & Basilicam, & propè vestigia recognoscentes, ingressi sumus in amplissimam rerum Ambrosianarum Historiam, sed non finè nostrorum temporum detestatione; quæ si aliquot Ambrosios protulissent, næ tu cum tuis tanto supercilio cristas non attolleres. Fuit de Ambrosio sermo, donec Brixiam pervenimus, ubi ad Philastrium Brixiensem, Ambrosii Auditorem, cuius egregium volumen de Hæresibus oblatum nobis fuit, conversus est. Incidimus & in Veteres libros Gaudentii Brixensis ad Benevolum, AMBROSIO amicissimum: eos nondum vidisti; ubi legeris, non minùs in iis, quàm in Philastrii Commentario de Hæresibus, senties esse multa, quæ te pungant.

Non

Non dico, quantum vel Mediolani Gubernator, vel Brixiae Senatus Venetus, profusæ humanitatis erga nos, comitatūmque nostrum ostenderit: nam ea, ut profana, respues barbaro fastidio. Itaque etiam tibi non narrabo, quid Veronæ viderimus: quia Romanas Antiquitates, quarum ibi nobilissimæ reliquiæ sunt, odio Urbis, nunc contemnis. Sed non dissimulabo, cùm Amphitheatrum spectaremus, quendam ex nostris, domesticorum malorum memorem, ingemiscendo exclamâsse: *Hic olim Ludi Gladiatorii, nunc in Franciâ eduntur: & cùm antiqua Inscriptio legetur: Generoso Retiario Invicto, Pugnarum XXVII. &c..* nescio quomodo quibusdam in mentem venit Rete tuum, non illud Apostolicum, sed gladiatorium, cuius præsidio ex Concionatore factus eras Lanista. Adeò in nostrorum comitum ore frequens, tametsi absens eras.

Quid, cùm ventum est Patavium? Narrabo tantum, quod tu, homo elegans, lumenter audies. Nescio, qui factum fit, ut, cùm ibi primum cum literato Viro colloquremur de Libris (ut fit) Ciceronis, atque adeò de Philippicis, inciderimus in locum, qui dicebatur corruptus; sic autem restitendum esse audiebamus: Cùm tuâ quid interest, nulla Auspicio sunt &c., ubi Cicero M. Antonium in alienis rebus scilicet religiosum esse,

esse, in suis non esse, significat. An putas, habitum esse hunc sermonem finè memoria tuī, tuorūmque? Nihil magis desiderassimus, quām in eâ Academiâ hybernare, cùm in ejus portâ legissimus esse Asylum Literarum: nam magnum fuisset lenimen nostrorum dolorum, illic in studiis Literarum, & Legum acquiescere, interea dum tu in Galliâ Cælum Terræ miscebas. Sed mandata, quæ suscepserat BALDUINUS, coegerunt eum Venetias proficisci.

Quid ibi egerimus, ut es mirificè curiosus, fortasse etiam quæres. Nihil est, quod te offendere valde possit, Here; nisi si forte succenseas, nos illic vidisse simul, & audiisse (curiositatis ergò) prolixam Græcorum Liturgiam: Missam, cum te alloquimur, dicere non audemus. Ut autem seria, quæ scire non debes, prætereamus, Concionantem in foro quendam (ut vocant) Charlatanum, nisi si Ceretanum malis, cum ex nostris comitibus quidam audivisset, nescio quid in Galliâ, cùm te sub dio declamantem audiret, simile vidisse se (ut erat homo rerum imperitus) narrabat. Ignosce simplicitati hominum imperitorum.

Venetiis Romam (noli, obsecro, cohorrescere) proficisci institueramus; quam si invisisemus, multa nunc tibi narraremus. Sed negotiorum tempestates nos ab eo itinere  
revo-

revocârunt. Ergo (ô alterum nuntium, qui te perculit) divertimus Tridentum. Cur, priusquam nos audias, vestes disrumpis? Diceret aliis, quod Justinus ex Trojo narrat, veteres Gallos, cùm intestinæ discordiæ, & domesticarum dissensionum tædio in Italiam venissent, Mediolanum, Brixiam, Veronam, Tridentum condidisse; proptereaque mirum non esse, si nos, eodem rerum statu, inviseremus Majorum nostrorum sedes. Sed suspicaris aliud, nescio quid, quod te torquet, quia Concilium illic convenit. Atqui optima mandata BALDUINUM eò deducebant, si non obstatisses, hoc est, si cæde Mandantis finita non essent. Ut te inanibus suspicionibus, quæ te vexant, liberem, dicam simpli-  
citer, quod non nescire tuâ interest.

Cum Tridentum ingressuri, in portâ scriptum legeremus votum: Concordiæ Instauratoribus, similes in eodem limine, in quo substatimus, preces fudimus non sine gemitu, atque suspirio. Urbem ingressi, priusquam Gallos, qui plurimi illic erant, salutaremus, nescio quomodo, relegimus Libros Vigilii, Tridentini olim Episcopi; & imprimis observavimus, quod scripsit *Lib. 4 & 5. contra Eutychen.* Vidimus deinde, quid illic ageretur; & doctissimos profectò Viros multos, de Ecclesiâ, & Religione sollicitos, convenimus, de te etiam sciscitantes, ecquando illuc  
veni-

venires: nam alibi occupatum esse nesciebant. Si dicam, minùs nos illic tunc effecisse, quām tu interea in tua armatā Synodo (*λησπεριζὴν* \* propè dixi) fortasse non mentiar. Sed hoc illud est, quòd triumphas, nondum satis exauditos esse piorum hominum religiosos gemitus, ut etiamnum habeas, quod reprehendas.

Quām nolles, illuc Jurisconsultus aliquis Nectareus cum aliquo Theodosio iret, curaturus, facturúsque, quod illi olim in Constantinopolitano Concilio. Sed nè multa nunc à nobis, quæ tibi de Tridento narrantur, expectes. Fecisti enim per tuos interea Pisticos, ut, confosso Navarro, BALDUINUS statim in Galliam revocatus properārit. Itaque valde te fefellit, qui, te irridens, tibi persuasit, quod narrares de longiori ejus morā Tridentinā, & nescio quo (ut ais) vento: nos alium illic non sensimus, nisi Boream, qui faciliūs nobis calamum, quām tibi hastam excussit. Certè reditus noster propter multa, quæ de tuis in Galliā furoribus interea narrabantur, tam tristis totā viā fuit, ut dolore non minùs, quām frigore, quod tunc erat acerrimum, nos prope in nivibus sepultos non obtorpuisse, atque diriguisse mirari debas. Nunquam profectò magis intelleximus, quale fuerit supplicium illorum *Quadraginta Marty-*

---

\* Prædatoriam.

Martyrum, de quibus scribit BASILIUS; ut te  
nostrorum laborum etiam misereat.

Jam decem diebus in tali arenâ luctati era-  
mus, cùm pervenimus ad glaciale lacum  
Vezam, quem propter tui nominis malum  
omen non temerè exhorruimus. Trajecimus  
tamen. Nobiscum erat Legatus Helvetio-  
rum, & nos jam indè abs Tridento comita-  
batur. Narrabat autem de altero vicino, &  
propè Tartareo lacu Lucernano; in quem si-  
quis sciens vel lapillum injiciat, horrendas  
tempestates cum terribili fremitu, mugiturque  
statim cieri: siquid casu incidat, nihil eum  
commoveri, narrabat. Sed & in vicinis suo  
 pago, quem vocabat Abbatis Cellam, Alpi-  
bus esse specum non dissimilem illi Dalmatico,  
in quem dejecto levi pondere, quamvis tran-  
quillo die, protinus procellam, turbini simi-  
lem emicare scribit Plinius. Quorsum hæc,  
inquieris? Te nescio quid habere simile cum  
illo lacu, atque specu ajunt. Nam si quis vel  
verbulo uno te attingat, eos fragores, tam-  
que terrificos turbines, & procellas cies, edis-  
que, ut tota vicinia cohorrescat.

Age, progrediamur. Tandem singulari  
Dei beneficio tecti, atque incolumes venimus  
Tigurum, ubi BULLINGERUM minimè inveni-  
mus, qualem ex tuo ingenio tu describis, bar-  
barum, & inhospitalem: nam tametsi sese hu-  
manissimè excusârit; GUALTHERUM suum, qui  
nobis

nobis esset conviva, misit. Illic cùm multas audiremus queremonias de tuâ insaniâ, Evangelii causam apud omnes bonos vehementer affligente, atque infamante; tum verò nescio quid subjecit, te ibi aliquando convictum falsi, *καὶ παραπρεσβείας*\*, ignominiosè cecinisse Palinodiam Sacramentariam: Sed jam longè aliam esse tuam modò in Galliâ, modò in Helvetiâ, modò in Germaniâ *παραπρεσβείαν* \*\*. Cupiebamus eâ de re referre ad Petrum Martyrem, quem, cùm in Galliam primùm redires, Ducem habueras. Cùm eum jam sepultum esse intelligeremus, convenimus ejus socium, senem illum octogenarium, cuius integritatem non potuit non aliquando laudare vester Commentarius de scandalis. Tum verò, cùm nova, & horrenda vestra scandala ex litteris, Lutetiâ allatis recitarentur, bonus ille senex cum lacrymis de testatus est vestram immanem rabiem; & novos Antichristos esse exclamavit, qui tam indignè abuterentur Christi, & Evangelii nomine: vixque in Apocalypsi inveniri descriptiō nem tetricoris monstri: mirari tamen nos non debere, si, ut vetus habet Proverbium, mali corvi malum ovum sit.

Cùm ille porrò pluribus nos verbis consolatus esset, properavimus Basileam: ubi rursus tristio-

\* Et male gestæ legationis.

\*\* Male gestam legationem.

tristiores de te; tuisque polypragmonicis \* discursationibus (nam & illâc paulò antè transieras) querimonias audivimus, OPORINUM salutavimus; cuius, & BALDUINI querelæ communes fuerunt de injuriâ cujusdam divitis, qui in tuo sinu est, OPORINUM exugentis, BALDWINUM mille ducentis aureis, nimiùm bonâ fide creditis, etiamnum fraudantis; quia istic locum non habet lex: si calvitur; & tu jure novo novas Tabulas debtoribus malæ fidei in isto Asylo vendas. Quod obiter dictum esto: quia tuo more, hoc est, improbissimè, simul & impudentissimè alium accuses, qui OPORINUM scilicet fœnoribus oppresserit. Fœnorum vix mentionem (credo) fecisses, nisi si abs altero vestro Argentario, & Chorago hanc artem cum aliorum magno malo, damnóque didicisses. Sed sint hæ sanè rationes vestræ æquissimæ, quæ in aliis essent iniquissimæ.

Ceterūm cùm Basileæ & alios viros optimos, & pessimum illum Sebastianum tuum, quem tu deperis, nosque antea nunquam vituperavimus, obiter convenissimus; Deus bone! quænam recitata sunt testimonia Bezanæ audaciæ, simul & Vesaniæ! Ac Sebastianus quidem ille, quem jam pridem confixum, confecisse, atque jugulasse te putabas, non de tuo Equitatu, quem reformidat, sed de

---

\* Negotiosis, præsertim inutilibus.

de singulari æquitate tuâ, quam admirabatur, nescio quid narrabat, cùm te diceret miris artibus efficere, ut illi, quem impotentissimè lacessebas, non liceret aut respondere, aut responsionem edere; propterea que tuæ clementiæ gratias ageret, quâ eum hoc labore liberabas. Sed non nihil mirari se dicebat tuorum ingenuitatem, qui, cùm subtilem effigiem templi apud Ezechielem, in quâ unâ exprimenda primus potissimum elaboraverat, surripuissent, non modò in suis Bibliis, quibus eam inserebant, non laudarunt Authorem, cuius labore suas merces ornabant; sed etiam eum infinitis convitiis onerarunt. Esse tamen hæc levissima peccata Allobrogicæ regenerationis. Verùm reformidare se magis ingratam tuam proterviam. Edictum recens tunc illic erat consilium quoddam ad Galliam pacandam: eo usurum esse te non dubitabat. Sed nihilominus Authori malam gratiam (ut es ingratus) relaturum esse non temerè prædicebat, ut eventus ostendit. Nam, nisi illud consilium tandem placuisset, non viveres: & tamen (ut audio) tu nunc illud, cuius beneficio etiam regnas, miris convitiis proscindis.

CÆLIUM secundum, alterum Academiæ Basileensis Doctorem, singularem rursus amicum scilicet tuum, non potuimus convenire, à quo plura de vestris virtutibus audiissemus: sed neque bonum BUCERUM, concionatorem  
jam

atur,  
s ar-  
simè  
it re-  
men-  
libe-  
tuo-  
effi-  
â ex-  
verat,  
qui-  
orem,  
etiam  
amen  
ratio-  
ratam  
c illic  
acan-  
  
Sed  
es in-  
cebat,  
confi-  
& ta-  
ieficio  
s.  
  
demiæ  
s ami-  
venire,  
emus:  
torem  
jam

jam pridem minus, quam velletis, vobis ad-  
dictum. Cur non potuerimus, dicam. In  
nostro hospitio occurrit quidam Gladiator tuæ  
factionis: qui licet te, tuumque Magistrum  
detestaretur, tamen quia vobis merebat, nobis  
dira minitabatur. Ergo visum est, statim esse  
cedendum.

BALDUINUS, nescio quomodo, suî, & co-  
mitum oblitus, volebat rectâ per Lacum ve-  
strum proficisci, ut multa de vobis, quæ ne-  
scit, resciret, & ut veteres amicos conveni-  
ret: (& quam multa nunc narrare potuissimus,  
si tutò licuisset salutare vestram Hierapolim?)  
Sed audivit in somnis divinam vocem: Heu!  
fuge crudeles terras: & horrenda quædam  
narrabantur de novâ inhospitalitate vestri  
Ponti Euxini.

Ergo divertimus Montbelgardum, ubi  
novam Ecclesiam Gallicam, & prius, & ma-  
gis, quam sit tua (ut loquimini) Reformatam,  
tuo licet Patriarchæ non pareat, vidimus; &  
ejus Primarium Ministrum, senem magnæ  
gravitatis, & modestiæ, rursus audivimus  
querentem de vestris Stratagematibus, sangu-  
nariis magis, quam sanctis, & multa præterea  
narrantem de vestræ factionis indole, cuius  
jam pridem ingenium noverat. Nihil autem  
nos magis commovit, quam quod bonus ille  
senex, propè orbus, cum lacrimis exponebat,  
vos, novo quodam plagio, filium vestris ca-

stris adjunxisse, inque vestras partes imprudentem pertraxisse, ut, cum patris senectutem eā ratione affligeretis, filii societate interea abuteremini; & Gallis persuaderetis in rem vestram, nihil vos moliri sinè consensu aliarum Nationum. Sic enim & de Germaniā foletis in Galliā loqui apud eos, quibus facile verba datis. Hæc cum attoniti audiremus, ubique tristia de vobis narrari doluimus.

Cum autem in quodam veluti limite Germaniæ, Galliæque versaremur, quibusdam nostris comitibus placuit, interea dum BALDUINUS rectâ in Galliam reverteretur, per Germaniam redire, ut magis, atque magis intellicherent, an ejus de vobis judicium esset, quod Italiae, Rhætiæ, & Helvetiæ esse intellexerant. Nam excurrerunt in Sueviam, ut BRENTIUM eā de re testificantem audirent: neque aut Augustam, aut Norimbergam, aut Ulmam, aut Danubianas Civitates inviserunt; in quibus, tametsi Protestantibus, audivissent horribiles adversus vestram conjurationem Anathematismos: Sed secundo Reno descendentes in illo longo limite Germaniæ ea de vobis audierunt, ut plura audire nollent. Quia paulò ante cum Cohortibus ex Germaniâ in Galliam immigrâras Reformationis ergo; vestigia etiamnum extabant tuæ in Patriam pietatis propè furianæ. Sed quia mavis illa suppressi, jam non notabuntur. Nostris satis, super-

superque fuit, te digresso cum tali flore Eque-  
stris regenerationis, se se & tutiores, & libe-  
riores esse.

Ac imprimis quidem Argentoratum adie-  
runt, & ubi jactare solebas, fortissimum esse  
Asylum tuum, invenerunt justissimum Tri-  
bunal, quod ne quidem lambere infelix reus  
auderes. Saltem illic jam tum audiebant, fore,  
quod factum est paulò pōst, ut peregrinorum  
cōetus, qui jam pridem in eā urbe coaluerat,  
nisi si tuæ Prædestinationi fatali, tuoque sa-  
cramento militari valediceret (quam tu Aposto-  
lam esse interpretaris) si minus ejiceret (quod  
grave ifuisset) at certè separatam, ut antea,  
Ecclesiam vestræ informationis non haberet:  
sicuti & paucis annis Francofordiæ decretum  
fuerat.

Nostri clarissimam hanc urbem ingressi,  
quid de te putas, tuisque Symmystis \* audie-  
runt? Auditæ sunt Germanorum illic Concio-  
natorum de vestrâ ludificatione querelæ, &  
graves ab iis caufæ expositæ sunt, cur eam  
diutius perferre in sinu suo non possent. Age-  
batur tunc causa SANCHI, Theologi peregrini,  
semi-vestri, qui nisi si vestris quibusdam dog-  
matibus, præsertim de prædestinatione, re-  
nunciaret, alias sedes quærere jussus esset, ex  
sententiâ aliorum etiam concionatorum, qui

I 3

ex

---

\* Sociis sacrī initiatīs.

ex aliis urbibus propterea convenerant. Recitata tunc quoque nostris fuit causa tui Hotomanni, neimpe propter quod facinus illic aliquando primū fuisset excommunicatus abs suo Gallo concionatore PETRO ALEXANDRO, te quidem propter antiquam societatem submurmurante, sed assentiente tamen tuo, si minūs parente, at certè Avō, GUILIELMO FARELLO, sæpius illum Iurisperditum appellante. Addebat & complura ejusdem generis, quæ per vulgata erant per Joannem Infantium, testem valde idoneum, & cuius non solum operā, sed & opibus, quamdiu opus habuisti, tam liberaliter es abusus, ut fidem ei detrahere vix audeas. Altera causa fuit exposita, cur tuus ille HOTOMANNUS (cujus causa non est abs te se juncta) ut antea Ecclesiā, sic deinde & scholā, & suo Canonicatu pulsus esset: tandemque quid in eo STURMIUS ipse gravissimè accusaret, narratum est, & perlecta Sturmiana adversus eum terribilis expostulatio, quæ profectò non modò de illius flagitiis, sed & de vestræ conjurationis mysteriis narrabat nimis multa.

Nostri cùm hæc audirent, attoniti obstu-  
puerunt; ac, ne plura fortè audirent, Spiram  
proficiscuntur, audiuntque in viciniā esse ni-  
crinum quoddam Oppidum, in montibus ab-  
ditum, in quod miris artibus, atque cuniculis  
immiseras tuos emissarios. Sed de iis tam  
multa

multa rursus narrabantur, ut ne vicesimam quidem eorum partem postea nostri nobis recitare potuerint. Sed fortasse quidem, qui illic agunt, historiam aliquando pertexent; & ipse, cùm volet, & audebit, BOUGUINUS idoneus testis erit: quem vos, quia vos fugiens Gallus, Germanis initio se dabat, tam crudeliter persecuti estis, ut, nisi si subvenisset liberalis misericordia BALDUINI, qui miserum aleret, vestra clementia hominem fame, & frigore enectum jugulasset. Atque is tamen dicebatur paulò post, mortuo principe Ottone Henrico, abs vobis corruptus objectâ spe offæ novæ: & ubi vobis turpiter servire cœpit, repente, vestro judicio, ex fœtido hirco (sicuti paulò antè loquebamini, ad hominis nomen alludentes) factus catellus Melitæus, qui vobis esset in deliciis. Sed illa sunt levissima vestræ παλιγγενεσίας, καὶ μεταμορφώσεως \* miracula.

Nostri cùm nullo modo abs rectâ viâ divertere vellent, venerunt Wormatiam Vangionum, in quâ de vobis audita sunt acerbiora concionatorum Germanorum judicia, sibi gratulantium, quòd, toties licet rogari, atque tentati, nunquam tuis sedem apud se concedi passi essent, ne tandem, quod Francofordiæ factum dicebant, facere cogerentur. Nostri, ut, quid istud tandem esset, magis intelligerent,

---

\* Regenerationis, & transformationis.

rent, constituerunt, trajecto Rheno, Mœnōque, illas veterum Francorum sedes, nobilitate nunc Emporio notas invisere: Sed prius de conventu Wormatiensi, qui Anno MDLVII. convenit, & in quo visus fortè fuisti, audierunt, quæ tibi minimè gloriosa sunt. Non lubet omnia narrare, quæ te nimis onerant.

Sed quia singis, te non intelligere, quod BALDUINUS verecundè scripsérat te illic abs MELANCTHONE audiisse, dicam apertius, sicuti inde nostri ad nos retulerunt: non enim patet, nos omnia suppressimere. Capto Galliæ Sanct-Quintino, trepidante regno, Rege attonito, venisti ad illum conventum, sollicitatus, qui Regem Potentissimum terrere scilicet posseñt, ne faceret, quod volebas. Cùm MELANCHTONI narrares indignum facinus: captos Lutetiæ esse multos, qui nocturnos conventus religionis agebant. Dicebat ille, tali tempore in eâ urbe non temerè suspectos esse Regi, & vos debere vobis temperare. Respondisti, nihil vos agere, quod non fecerint Apostoli. Tum ille: Ergo (inquit) æquo animo patiamini, quod illi lubenter passi sunt.

Atqui scribis nihilominus, impetrasse te honorificum testimonium à quibusdam, qui illic convenerant, subscriptum etiam à BRENTIO, à MARPACHIO, à Joanne ANDREA. Credo, viros humanissimos ad omnia humanitatis

ris officia paratos fuisse. Sed quo ore nunc  
audes tres illos viros, à quibus toties damna-  
tum est dogma tuum, tuque toties cum tuis  
tentationibus repulsus, nunc nominare? Imò  
verò quâ fronte illius conventûs Wormatiens-  
is mentionem facis, in quo illud ab omnibus  
subsignatum decretum adversùs vos est, &  
his verbis, quæ MELANCHTON ipse adscripsit,  
editum: Damnamus dogma Zwinglianum.

Adjiciendum nunc est, quod tribus, aut  
quatuor post mensibus accidit, ut nostri Fran-  
cofordiæ intellexerunt. Coierunt Francofor-  
diæ Imperatoria comitia: eò cum multis man-  
datis venerat nobilis vir Gaspar DE HU, à  
Gallicis (ut vocas) Ecclesiis novis missus, cum  
supplicibus etiam earum literis ad BALDUINUM  
scriptis, quas, cum voles, proferemus. Tu  
dolens, sinè tuo consilio, vel autoritate ali-  
quid agi, relictâ tuâ Genevâ, properas Fran-  
cofordiam, neque vocatus, neque missus, ne-  
que ullum etiam adferens mandatum; & ira-  
tus statim obturbas, quod Gaspar ille fatage-  
bat. Meministi, te propterea in cubiculo  
ipsius BALDUINI reum ab illo Gaspare gravi-  
ter accusatum esse multarum fraudum, mul-  
tiplicis πολυπραγμωσύνης \*, invidiæ, ambi-  
tionis, nequitiae multiplicis. Meministi, illum  
tibi prædictisse, fore, ut statim atque in Gal-  
liam

---

\* Sollicitudinis de multis negotiis, præsertim  
si nihil ad rem pertinent.

liam rediisset, te depingeret, ne bonos, credulosque Gallos diutius ignotus falleres: se suo sumptu eorum negotia curare; te miserorum pecuniâ emunctâ abuti ad ea perturbanda. Meministi te non sinè comminatione respondisse, faceret, quod vellet, te operam daturum, ut anteverteres. Itaque multi existimant, indicio tuo, tuâque operâ factum esse, ut Gaspar ille, statim atque reversus esset, necatus sit.

Hæc, & ejus generis plura nostri comites de te Francofordiæ audiebant abs Gallis ipsis. Germanos verò ubi conveniebant, audiebant multo atrociora: & imprimis cur, cum tu illic clàm turbas excitares, duobus Gallis concionatoribus inter se commissis, quorum alterum, qui tibi in Galliâ collega deinde fuit, miserè vexabas, & abs tuis five opinionibus, five ceremoniis neutrum ad Germanicas accedere patereris, cœtus peregrinorum dissolutus sit. Nostri responderunt, te se eâ de re multa jam antea in Galliâ cognovisse ex libello, dissensionem illam delibante. Et nondum pudebit, te nobis imponere velle, quasi consentientes Germanos, & subscriptores haberes.

Fortasse dices, te, etsi cum Germaniæ concionatoribus minimè convenias; cum equitibus tamen optimè convenire. O præsidium, patrociniumque potens, & magnum, & te dignum!

dignum! Nostri in illâ suâ profectione nullos equites convenerunt, ut scirent, quo modo cum illis tuis συμμάχοις \* transfigas. Sed quod in Galliâ jactare soles, tot etiam habere te Symmystas \*\*, illud verò non esse hominis ingenui, & pudentis, facile intellexerunt, & intellexissent multò magis, si divertissent in Saxoniam, quam tamen abs tuo parente, & præsule frustra tentatam fuisse, satīs, supérque audierunt. Quid Saxoniae Ministri sexcenti, cum ille unum Hamburgensem oppugnans, eorum judicia temerè appellâset, responderint, vix quisquam ignorare potest, qui libros eâ de re per vulgatos inspexerit. Mirabilis verò rei appellantis æquitas! Judices illos provocans, demulcet blandis appellatio-nibus: Vocat Patres, Fratres, Symmystas, Vi-ros honorandos, fidelissimos Christi Socios: Statim verò atque audit, eos aliter pronun-tiâsse, quàm putabat; clamat esse Afinos, Ne-bulones, Pecudes, Gigantes, Diabolos. Cum autem & tu, conjunctis cum hoc Patre tuo clamoribus, ut illum Hamburgensem intem-perantius proscidisti; sic & in eâdem Sacra-mentariâ Disputatione in alterum magni no-minis Ministrum, Magdeburgensem dico, scurrilibus incurristi, ut per utriusque latus, Germaniae Concionatores omnes, qui (ut lo-queris)

---

\* Belli Sociis.

\*\* Socios Sacris initiatos.

queris) essent Lutherani, confoderes, magis, atque magis Orbi Terrarum exposuisti, quam pulchrè tibi cum iis conveniret. Ceterum illud verecundè fecisti, ut, cum Magdeburgensis ille tuus asiniris, atque Cyclopicis, sarcophagicisque (sic enim loqueris) conviciis respondendo, qualis tu Angelus es, indicasset, nescio quo pudore confusus obmutueris.

Saxoniæ etiam Duces aliquando blandè appellare ausus est Magister tuus cum munere bene polito. Quid responsi acceperit, si supprimas, & dissimules, cautè facis. Sed eorum Edicta, & Proscriptiones non patiuntur nos ignorare, quid de vobis sentiant. Ut igitur Rhenus in Oceanum, Danubius in Pontum, sic Albis in Mare Balthicum, cum suo fluctu multas de vobis querelas vestrorum (ut videri vultis) Sociorum volvitque, vehitque, non ut aquis obrutæ sepeliantur, sed ut vocem longius mittant. Sed quia procul à Galliâ eae scilicet vagantur, vos illum fremitum securè contemnitis.

Nostri Saxonicas illas Balthici litoris civitates, & ipsam imprimis Magdeburgam (cujus Ministros CALVINUS paulò iracundius vexavit, quam ejus mœnia Cæsaris Exercitus antea concusserat) magnopere invisere cupiebant. Multa audiverant antea de Ecclesiasticâ Magdeburgensium Historiâ, quæ Genevæ minimè bona

bonâ fide conversa in Linguam Gallicam esset, non sinè turpi crimine falsi, neque minus infideliter, quam Commentarius Lutheri ad Galatas in illâ Officina veritatis, atque fidelitatis factus antea Gallicus fuit. Sed majores causæ suberant, cur cum Saxophibus illis nostri colloqui vellent: nam & meminerant CALVINUM, cùm in eos detonaret, ita scripsisse: *Animadverto in eorum Scriptis, verissimum esse, quod mihi Amicus quidam celebris doctrinæ, & facundiæ scripsit, mirabiliter in eo maritimo Tractu sapere quosdam homines, ut, si hodie vivat Sybylla Cumana, ad eos mittenda sit, quò sagire\*.* discerent. Sed quia satís superque ex eorum Libris, ecquid de vobis judicarent, intelligi potest, nostri longius non excurserunt. Alioqui etiam in Danica, Gothica, Suecica Regna trajecissent. Quid enim? Idem CALVINUS scripsit, in iis spiritale Christi Regnum altero vindice suffultum esse: in iis esse Sacrarium Cœlestis Philosophiæ. Non enim probabile est, eum hæc scripsisse, ut ex illorum Regum Argentifodinis aliquid emulgeret. Et tamen multa erant, cur multi crederent, eum neque ex animo, neque seriò ita locutum esse.

Major esset ratio, cur in Britanniam nostram navigare vellent, vobis tam amicam, ut etiamnum prædices Serenissimam ejus Regnam,

---

\* Aliquid acutè, & callidè præsentiscere.  
CICERO.

nam, cuius scilicet præsidio domueris Gal-liam rebellantem. Sed aut valde fallimur; aut si Illius Serenitas nunc te constrictum teneret, curaret, pœnas ut turbarum dares, quas ex-citasti, utroque Regno ex serenissimâ tran-quillitate in bellorum tumultus conjecto, ac veluti commisso. Certè quam vobis cum An-gliâ bene conveniat in ceremoniis ecclesiasti-cis, dictum aliâs est. Vellemus nunc, ne du-bitatio aliam suspicionem gignat, aliis narra-res, cur illinc nuper discesserit Saulus tuus, relictâ suâ Ecclesiâ novâ; & quo nihilominus jure, quâ arte vos in illam Insulam plus juris vobis arrogastis (dico cognitionem Transma-rinarum appellationum) quâm ulli unquam in Europâ Patriarchæ concessum fuisse contend-i-tis. Sed Serenissima Scottiæ Regina vos magis novit, & in tumultu Ambofiano, quantum audeatis, non sinè suo, & Regis, maritique sui, & suorum parentum periculo magis ex-perta est, quâm ut illi os facile sublinere deinceps possitis. Denique utraque ejus insulæ Re-gina, cùm istinc eo missus est seditionissimus vester libellus adversùs imperium, regnum-que fœminarum, vix ignorare potest, quò tendatis prætextu religionis. Si eò nostri tra-jecissent, plura retulissent.

Sed secundo Rheno descenderunt Colo-niam, ubi cum aliquos quosdam doctissimos Viros, tum verò Georgium CASSANDRUM fa-luta-

lutārunt, hominem propè senem, morbis  
confectum, & in lectulo decumbentem; sed  
tam peritum rerum, atque Antiquitatum Ec-  
clesiasticarum, tāmque sedatum religiosæ Mo-  
derationis Suasorem, ut non temerè vos ab  
illo vobis metuatis. Dices, Magistrum tuum  
scripsisse, eum nihil, nisi Lamiam \* esse in  
sterquilinio sedentem. Bona verba, mi ho-  
mo: tales Lamiæ sunt, quæ vos terrefaciant.  
Neque verò vestra immanis rabies non esset  
nota satis, si vel in hoc solo viro vexando  
tantùm se se effudisset. Nempe quia Nero  
Ælium Lamiam innocentem crudeliter occi-  
dit, vos Neronianum vestrum stylum nobi-  
litare simili aliquo exemplo voluistis. Sed  
cogita: Quid nocuit Lamiarum cæde maden-  
ti? ut vetus, tibique familiaris Poëta monet.

Tandem nostri pervenerunt Antwerpiam,  
ubi vulgarem quandam, & vestrâ scilicet Re-  
generatione dignam causam audierunt, cur  
non unum CASSANDRUM, sed omnes Belgas  
oderitis magis, quam vicinos vestros, vul-  
gus; & simul cognoverunt, quibus tandem  
insidiis, atque artibus efficere velitis, ut illi  
se vestræ Fidei credant, neque suas modò  
animas,

---

\* Lamiæ ab antiquis putabantur mulieres esse,  
sive verius Dæmonum quædam Phantasma-  
ta, quæ formosarum malierum specie assum-  
pta, pueros pariter, & juvenes blanditiis  
alllectos vorare credebantur.

animas, sed & fortunas. Ergo, Fidei scilicet tuæ Confessionem etiam Flandricâ linguâ conscriptam; & Apostolos vestræ Conjuratio-  
nis ad illam Gentem subinde istinc emitte,  
narrabant: neque non quosdam, quos infa-  
tuâstis, lactare, atque inescarè potuistis; nam  
& ingeniosos Negotiatores, & subtile Aeruscatores \* esse vos ajunt. Sed non omnes il-  
lic esse Midas audiebamus. Soletis, eorum  
simplicitatem irridendo dicere; omnes esse  
Batavos: sed erratis; acutiùs plerique vident,  
quàm vobis expeditat. Illic ergo nostri audie-  
runt vestræ in multos eorum ingratae impie-  
tatis indigna exempla. Ipsum, ipsum Eras-  
mum paulò antè, quàm istuc migrâres, BEZA,  
prædicabas, talem, tantumque virum, ut fuit,  
fuisse, ut nec ipsa terra totum capere posset:  
denique nihil fuisse, nec futurum doctius.  
Statim verò, atque istic initiatu es, passim  
clamas, fuisse illum impium, & indoctum, quia  
Batavus erat. Ceterùm bene habet: quod de  
eo ipso tibi respondeamus, imprudens olim  
nobis dictâsti:

*Latra, Philæne, quamdiu, & quantum voles:  
Hunc scire constat plura, quàm tu nescias.*

Ut non modò literatos, de vobis, literis-  
que etiam præclare olim meritos homines ejus  
Gentis

---

\* Aeruscator dicitur, qui malis artibus æs, id  
est, pecuniam corradit undique; quales sunt  
Mimi, præstigiatores.

Gentis, sed & Nobiles, quos istinc evocâstis, ut exugeretis, viros, Mecœnates vestros, tandem indignè à vobis exceptos esse liqueret, allegabant Dominum F ALESIUM, Burgundici Sanguinis Principem, &, quibus eum modis Magister tuus laetâsset, narrabant: vestris principiò scriptis Dedicationibus celebratum fuisse, ut decus, & præsidium Ecclesiæ vestræ. Tandem, cum, vobis obsequendo, & Zonam perdidit, & rem, sensit, sed serò, quám boni, & fideles Fratres essetis. Quid verò tuus Parens? Nequidem eum, domi suæ decumbentem, quiescere passus est: imò verò etiam sepulto insultavit, & mortuo maledixit. Atque hæc non postrema causa est, propter quam primùm BALDUINO succensiuitis, qui hæc tam indigna cùm videret Argentinæ, laudare non poterat. Quid verò non faceretis, cùm etiam VALERANDUM POLLANUM, ejusdem Gentis hominem doctum, industrium, FALESII domo multò antea vestris insidiis ejectum, tandem, quainvis & Minister esset vestri Ordinis, & multis annis vestris commodis in Angliâ, & Germaniâ serviisset, tamen incredibili vestrâ proditione, atque nefandâ collusione circumventum ita vexastis, ut non priùs, quam Francofurdiæ mortuum esse audieritis, arcanum odium vestrum exsaturatum sit.

Recitabant præterea nostri, quod audie-  
rant, ecquam gratiam referatis EUSTATHIO  
QUERCETANO, Philosopho gravissimo, & Me-  
dico

dico doctissimo, qui POLLADUM ad vos ex Belgicâ miserat: qui antea apud GRYNÆUM propè Præceptor fuerat tui Magistri: qui denique tibi in Schola Lausanensi Collega fuit. Nempe, quia jam olim vos in Belgicâ depinxerat, talem Censorem, atque Catonem jam pridem oderatis: sed, reconciliatis hostibus non esse fidendum, parùm ille postea cogitavit; tu verò, ut sentiret, effecisti, sed tam infidiosè, atque perfidiosè, ut vulnus, quod clàm inflixisti, cùm curare non possit, confiteri pudeat. Ceterùm veterem ejus Amicum, & (ut tuo verbo utar) conterraneum PETRUM ALEXANDRUM, tam magni nominis Concionatorem, tam vobis postremò addictum, posteaquam miserum infatuâstis, & ejus linguâ, & lateribus, & gutture diu abusi estis, quâ mercede jam senem remunerâstis? Cur tu, BEZA, eum persequereris, singularis causa erat: nam Argentinæ propter adulterium excommunicârat Sodalem tuum, HOTOMANNUM. Sed cur CALVINUS sibi non esse satisfactum putavit, donec in Angliâ vexatum à vestro Saulo, mortuum esse audivit? Et miramur, si Zebedæum, quem eadem Terra procreavit, vester autem Lacus plusquam viginti annis Ministrum habuit, tandem miserum egere triumphes, & exultans nunc scribas? Nunquam finem fecerimus, si omnia, quæ ex omnibus Regionibus relata ad nos sunt, de vobis sciscitantes, referre nunc

nunc velimus. Ergo abrumpamus Narrationem.

Habes, Theodore, quæ ut audires, à nobis impetrasti, dum imperiosè BALDUINUM sollicitas, tibi ut rationem reddat suæ ad Tridentinam Synodum profectionis, atque redditus. Habes & Historiam, quam expetebas, sed qualem fortasse non exspectabas, itinerarii nostri. Habes fructum nostræ peregrinationis: fructum dico, quem percipere potuimus in cognoscendis apud exteris Gentes vestris Trophæis, apud quas esse vos propè Semideos jaëtatis in Galliâ: quia scilicet hanc tam pecudem esse existimatis, ut & nihil sciatur rerum exterarum, &, quidquid fingitis, statim creditat. Si in tumultuariâ Narratione nostrâ forte per errorem peccavimus, aut interdum Relatio minus vera esset, quam tamen putamus esse verissimam; tuum erit redarguere, non tamen solo (ut soles) verbo, aut sibilo, sed certo, liquidoque testimonio.

Evidem scio, & fateor, te, quæ ad te, tuosque pertinent, scire optimè, & narrare eleganter posse, si verum dicere etiam tam velles, quam posses. Nos, quia minus curiosi sumus, præsertim his in rebus, quas non magnopere scire laboramus, vix centesimam partem Actorum tuorum tenuimus: & eorum, quæ scimus, ne decimam quidem partem (aded infantes sumus) caris

eloqui possemus: nam & eorum quoque maxima copia deest.

Nusquam in totâ nostrâ peregrinatione pedem ponere potuimus, quin occurreret cum præclarâ famâ tuorum Actorum, aliquod eorum vestigium; imò verò magnus, latûsque campus, quem in tantâ præsertim festinatione perlustrare, vel nunc recordatione complecti minimè potuimus. Sed (ut dixi) tuum est, nos hoc labore sublevare: præstes modò bonâ fide, quod potes, neque ullo affectu abs veri studio abduci te (quod minimè tamen speramus) patiaris. Multa SLEIDANUS nescivit, præsertim de rebus Gallicis, Mysteriisque vestris: & quæ post ejus mortem acciderunt, majus volumen requirunt. Sed cùm tu hanc Historiam describere institues, iterum tibi prædicimus, ut scribas aliter, quâm soles, hoc est, ut verè rem totam, & integrum, & optimâ fide describas, ne alias vel Paralipomena \* supplere, vel mendacia expungere cogatur.

Nos ut ad rem propositam revertamur: certè jam nihil est, quod domum reversi magis admiremur, quâm vos, illa, quæ dixi, omnia nunc dissimulantes, in unum BALDWINUM, qui vos jam pridem missos fecit, tela vestra

---

\* Ea, quæ prætermittuntur, seu silentio prætereuntur.

vestra certatim dirigere: quem si non diligitis; at certè cur eum unum tam valde oderitis, nulla probabilis causa est. Nam, quas cunque tandem hujus tam rabidi odii causas fingatis, aut prætexatis, tamen non nisi duas verè potestis obtendere. Prior est, quòd jam indè ab initio vestræ Ambosianæ Conjuratio-nis, non potuit non damnare tam impia (libe-rè dicendum est) consilia; & JESAIAM Pro-phetam potius audivit, qui pronunciat, ho-minum verè piorum, atque Religiosorum esse, obturare aures suas, ne audiant sanguines \*. Altera causa est, quòd non modò mi-ratus est, vos cum tam sanguinariis Consiliis moliri, quam jactabatis, Ecclesiæ Reforma-tionem; sed & doluit, eo prætextu velle vos tanquam unâ liturâ delere universam non modò formam, sed & memoriam veteris Eccle-siæ, eamque totam, uno tanquam chasmate \*\* absorptam, ignominiosè sepelire, ut soli emi-neatis.

Possent, scio, hæc dici verbis lenioribus: sed si ingenuè, & apertè loquendum est, sim-pliciter dicimus, quod res postulat. Ceter-um cum tam multi, toto orbe viri præstan-tes, in eo, quod dixi, cum BALDUINO sen-tiant, à vobis dissentiant, hoc est, abhorreant abs vestrâ intemperie (dico omnes, quo-

K 3

quot

\* C. 33. ¶. 15.

\*\* Hiatus.

quot usquam boni, & intelligentes sunt) mi-  
rum videri posset, cur in eum potissimum  
unum irruatis, nisi si manifesta esset tacita  
quædam impulsio, quæ vos agit præcipites,  
ut ab eo tandem aliquando, qui vos propriùs  
novit, quod meriti jam pridem estis, audiatis.

Ergo cùm in eo vexando vos neque fati-  
gari, neque satiari potestis, etiam eo racente,  
cordati homines satis intelligunt, ecquæ vos  
rabies impellat: in istoque vestro furore ma-  
gis, atque magis agnoscunt justum quoddam  
Dei judicium, qui in vobis veluti excæcandis,  
atque indurandis suam ultionem exerit. Quid  
enim? Dicendum fæpius est, quod est verum,  
& mirabile. Unum, aliis in Galliâ præteri-  
tis, BALDUINUM exagitare nondum definitis.  
Atqui is unus erat, quem minimè omnium  
impetere, cuive maximè omnium parcere de-  
bebatis, sive, quod honestum, sive, quod  
justum, sive, quod utile vobis sit, conside-  
retis. Ille Juris - Consultus est, non rivalis  
vester. Contentus est suâ vocatione, atque  
professione, quæ vobis nihil derrahit. Non  
tractat ea, in quibus regnare soli vultis. Vita  
ejus privata, casta, quieta, modesta, officio-  
sa vos offendere non potest, si viri boni estis.  
Si quis est, qui domi suæ ita vivat, ut profit,  
quibus potest; noceat nemini; ac ne nunc  
quidem desinat bene mereri etiam de ingratis  
quibusdam Bezanis: si quis est, qui jam inde

à pueritiâ deploret corruptelas depravatæ Religionis, maculásque Ecclesiæ deformatæ: si quis est, qui jam indè à primis annis legitimam Reformationem desideret, & ad eam conferat, quod potest: siquis est, qui nihil unquam quidquam delibaverit de Ecclesiæ spoliis, neque de iis, quæ Idolothyta appellatis: siquis est, qui in suâ mediocritate ita se se continuerit, ut integrâ, ingenuâque libertate Conscientiam bonam retinuerit, nulli partium intemperantiæ addicetus: siquis etiam, qui etiamnum sequatur Vitæ studiosæ, tranquillæ, innoxiae genus, quod ne vos quidem acutissimi, atque morosissimi Momi meritò, & jure reprehendere possitis: Hunc certè in numero eorum esse, qui ita vivunt, etiamsi disrumpamini, inficiari non potestis. Denique siquis est, qui omnem occasionem sui amicè dimittendi vobis dederit, nullam rabiōsè persequendi, is certè unus est.

Quid igitur tandem vobis vultis, dum in eum unum tamdiu debachamini? Annon justo Dei Judicio præcipites ruitis in vestrum existium, dum in illum incurritis, qui vos & novit, & detegere potest, ut, quales sitis, tales etiam habeamini? Si saperetis, hunc unum potius refugere, vel etiam, si vos prior provocasset, dissimulatione quâdam placare debuissetis. Sed si fatale hoc malum est, quod vobis accersitis, nulla vos sanare posset admonitio

nitio nostra. Ergo, quod vobis intrivistis, exedite. Tantum certè abest, ut ille vitam suam totam, & minima etiam quæque ejus momenta retegi recuset, nihil ut optet magis, si modò tam verè id fiat, quām tu id falsò facere voluisti: scit enim, si vera narratio sit, sibi aliam non fore necessariam defensionem.

Itaque simplicissimam commemorationem opponemus fucatae tuæ fabellæ; si priùs Letores fuerimus obtestati, nobis ut veniam dent, si hâc ratione coacti, multa exilia, levia, & propè puerilia exponamus, quæ fortasse alioqui digna non essent, quæ in Publicum proferrentur Nollemus abuti patientiâ Auditorum: sed quæ nos necessitas adigat ad hanc narrationem, ipsi etiam vident. Cùm autem tu, ne non omnia poëticè ageres, etiam hysteron proteron volueris esse tuæ Fabulæ ornamentum, fecisti multa permiscendo, ut nos in ordine observando non nihil laboraremus.

Sed bene habet, quòd ejus temporis ministri, quo primùm narras vidiisse te Lutetiae BALDUINUM, is licet te non videret. Fuit is annus MDXLVI.: quo anno illic quid ageres, potes, cùm voles, recordari: BALDWINUS certè longè aliud agebat, hoc est, operam dabat edendis in Juris Institutiones Commentariis

mentariis \* quorum et si tantum Exscriptor  
fuisset, tamen dabant suorum studiorum spe-  
cimen, quod tibi pudorem incutere debebat:  
neque non, cum Præfationem forte delibasses,  
diceris exclamasse, quām dissimilia tunc essent  
studia tua!

Eodem tempore BALDUINUS, rerum sua-  
rum oblitus suo etiam sumptu procurabat  
negotia Gallafii, Sauli nunc tui: quem si  
nunc testem tibi opponam, ecquid te vertes?  
Nam et si tu illi postea factus Collega sis, ta-  
men nondum (credo) tam eum tua consuetu-  
do depravavit; sed neque tam eum ingratum  
esse existimamus, quin etiamnum agnoscat,  
quantum BALDUINO debeat: ac si forte inficia-  
retur, tot ejus Epistolas, istinc missas, edere  
possemus, ut, aliis aut syngraphis, aut chi-  
rographis opus non esse, omnes esse dictu-  
ros, minimè dubitemus.

Est autem in eâ Familiâ natus BALDUINUS,  
ut, patrimonio etiam suo spoliatus, egere  
non posset: ne mireris, tantum illi superfuis-  
se, quod ipsius GALLADII Parentibus, cum  
quibus vivebat, rem illius istic minimè abun-  
dantis curaturus, tantum persolveret.

K 5

Nunc

---

\* Commentarii in Libros IV. Institutionum pri-  
mum Parisiis 1546. editi, dein saepe alias  
recusi.

Nunc quid tu, ejus temporis mentionem faciens? Memini (inquis) illum aliquando in illâ partim otiosissimorum, partim in aliis fallendis occupatissimorum hominum turbâ (hac enim honestâ Periphraſi describis Curiam Palatinam) contractis manibus, prandia, & cœnas odorari &c. Tuásne maleolentes, sive Sardana palicas sive Heliogabalicas cœnas, impure Ganeotuáne prandia, inceſte convivator, ex Sacrilegiis quidem condita, sed tetris Stupris conspurcata, quisquam vir honestus odorari poterat? Quisquámne, flagitiosissime Leno, vel limen tuum adire, quin nares contraheret, & oculos averteret, cùm in eo fœtidum Lupanar, quod nocturnas tuas comedationes exhalabat, statim sentiret? Quisquámne tuam tenebricofam popinam ingredi voluisset, qui tibi similis non esset? Quisquámne ejus vel nidorem, vel odorem ferre potuisset? Age, non possimus, cùm tecum loquimur, & casto semper uti sermone, & castis aliorum auribus, & pudori semper parcere: tu enim etiam ab invitis extorques aliquod tuum verbum, quod audias.

Ignoscant honesti Viri semel nostræ, forfasse minùs honestæ orationi, quâ nunc ute-mur coacti. Cùm tu, O temulente Satyre, cum tuâ Pallade discumbebas, ecquibus sermonibus Platonicas Cœnas tuas condiebas, ut se beatum existimare debuerit BALDUINUS, si  
cum

cum Umbris \* sedere ibi posset, odoraturus tales delicias, tale Nectar; talem Ambrosiam! Ex multis unum, in quo cantillando, in mediis epulis complexus tuam Deam, fertisque coronatus maximè tibi placuisti, dicam tibi: Illam Corculum tuum, illa te mentulam suam (amabò) vocitabat. Tum verò amens exclamabas:

*O docto bene fæminam cerebro  
Nam si dicere, Corculum, solenius,  
Cur non dicere, Mentulam, licebit?*

Si hæc mens tua fuit, quam istuc tecum abstulisti: si hæc fuit suavis, docta que dementia, quâ tuos Convivas exhilarabas: si hæc bellaria, quibus tuam concludebas comedationem, an ullum Platonis Symposium tuo præferendum fuit? O Religiosum Convivium! O ἀγάπην \*\*! O Cænam eruditam, quam BALDUINUS & subrusticus, & talis elegantiæ imperitus, & talium Mysteriorum ignarus, atque etiam ab iis natura abhorrens appeteret!

Quid multis opus est? Nihil erat magis vulgatum, quām eo tempore esse Lutetiæ quandam novum Theodorum ἄρεον \*\*\*; qui au-

---

\* Umbra etiam olim dicebatur, qui veniret ad Convivium non vocatus: nam sic vocatum sequebatur, veluti umbra corpus.

\*\* O Convivium Amoris!

\*\*\* Atheum.

audiens quendam adolescentem BALDUINUM  
 nescio quid de Religione cogitare, & eo no-  
 mine à CALVINO literas accipere, suaviter  
 utrumque irridet: hunc, ut fatuum & inep-  
 tum puerum; illum, ut insignem Imposto-  
 rem, *Kai εἴρωνα* \*. Sed alioqui BALDUINUS  
 non putat sibi te visum esse, aut se de te un-  
 quām somniāsse eo tempore. Prælegebat  
 tunc fortasse publicè, maximo Auditorum  
 concursu, Leges Publicorum Judiciorum.  
 Quo die interpretatus est Legem Julianam de  
 Adulteriis, sub finem Prælectionis questus est  
 de temporum corruptione, quibus ea Lex  
 impunè irridebatur, & querimoniam suam  
 fortè conclusit hoc veteri Epiphonemate: ubi  
 nunc Lex Julia dormis? Postea audivit,  
 quendam Poëtam Prothonotarium, qui sta-  
 bat in Auditorii vestibulo, tali voce offensum  
 vehementer fuisse. Sed meritò ignoveris  
 BALDUINO, Theodore. Neque de te ille co-  
 gitaverat, neque te de facie noverat. At  
 (inquis nunc, & scribis) BALDUINUS sanè mi-  
 hi jam tum dispicebat. Credo equidem:  
 quis enim tibi placere potuisset, qui tibi esset  
 dissimilis? Sed tu multò etiam magis jam tum  
 illi dispicebas.

Ergo ut fugeret talium hominum consue-  
 tudinem, & quæreret meliorem aliquam so-  
 cieratem

---

\* Et simulatè loquentem.

cietatem Religiosorum, optimo animo migrat  
Genevam, quæ tum propé erat deserta. Pau-  
cis mensibus vixit cum Calvinio, & ita vixit,  
ut ne ipsa quidem Malevolentia negare ausit,  
amicissimè, atque honestissimè vixisse, inte-  
rea dum tu Lutetiae bachabarisi. Verùm et si  
Geneva tunc nondum erat, quod fuit, postea-  
quam eò migrasti; tamen statim BALDUINUS  
sensit, illic non esse, quod quærerbat. Placi-  
dè itaque se subduxit, ac, ne Hospitem of-  
fenderet, prætexit honestam, verámque cau-  
sam Fratris, qui Lugduni graviter decumbe-  
bat, invisendi. Tu illic eum, tanquam *Gry-  
phii* mancipium, versasse prælum significas.  
Sed bene habet: exstant quædam ejus Scripta  
tunc excusa, Annotationes dico ad Novellas  
Justiniani, & ad Ædilitium Edictum \* ex qui-  
bus impudentia tua refelli, etiam nobis tacen-  
tibus, possit.

Certè tam habitus jam tunc fuit pro Juris-  
Consulto minimè vulgari, ut non solùm Gra-  
tianopolitani talem Professorem requirerent  
(tametsi, quia istic vixerat, existimationem  
suam minuisset) sed & Bituriges eum accer-  
serent, ut Duarenus, qui tunc abdicárat, suc-  
cederet. Accessit liberalis favor, & amplissi-  
ma

---

\* Breves Commentarii in præcipuas Justiniani  
Imperat. Novellas, sive Authenticas, & ad  
Ædilitium Edictum prodierunt Lugduni an-  
no 1548.

ma voluntas ipsius Biturigum Ducis. MARGARITHÆ VALESIÆ NAVARRÆ, Heroinæ optimæ, maximæque: cuius nomen quoties auditis (quod infamare Magister tuus suo de libertinis libello famoso conatus est) metuere debetis, ne Filia, & Hæres, cuius bonitate abutimini, aliquando maternæ injuriæ vindex sit. MARGARITHAM illam salutaverat BALDUINUS eo ipso die, quo Filia nubebat ANTONIO, BORBONIO, DUCI VINDOCINENSI, atque huic etiam ab illâ jam tum fuit commendatus. Quod obiter dicimus, quia impudenter mentiris, ne duodecim quidem post annis notum huic DUCI, ac PRINCIPI fuisse, quem NAVARRENUM appellas, an ille natus esset. Sic itaque in Doctissimum Collegium Juris Antecessorum cooptatus, sex aut septem annis illic docuit Jus Civile, & ita docuit, ut nostro præconio non egeat: simûlque ita vixit, ut privatim non minus exemplo bono, quam publicè doctrinâ sanâ prodesset studiosis: neque tamen veterem cum iis, quos Genevæ reliquerat, amicitiam violaret. Exprobrare beneficia, quæ tunc iis etiam ingratis contulit, posset: verum exprobrare nondum didicit.

At (inquis) in urbe Biturigum interfuit Missæ nostræ. Si ita sit, magnum profecto crimen, quod, te quidem missante, Idolatriæ etiam accusari possit. Nunquam ille antea

tea audierat, te Biturigibus fuisse sacrificum: illic licet in adolescentia fuisse te, quod postea Aureliae, & deinde Lutetiæ fuisti, hoc est, eruditum GANEONEM, saepè audierit. Sed neque cum illic Missam (ut ais) vestram caneres, te agnoscere potuit, cum eo tempore Genevæ longè aliud agere te audiret: & verò oportet, valde rectus, & subtilis explorator ad Biturigum Altare accesseris, qui tunc à nemine sis agnitus.

Illud verè dicere possum, BALDUINUM in eâ urbe saepè, vestro nomine, in periculum venisse, dum vobis amior esse credebatur, & erat fortasse, quam esse debebat. Neque certè aliud habebant illi, quos laudas, inimici, quod huic odiosè objectarent: tametsi, quod de inimicis, atque adeò (ut ais) inimicissimis, BARONE, & DUARENO fingis, rursus convincit, te esse hominem deploratae partim impudentiæ, partim insaniæ Cum BARONE conjunctissimus, quamdiu is deinde vixit, hoc est, triennium docuit totum Jus Civile BALDUNUS. Si dignaris legere Epistolam, præfixam operibus BARONIS, hic editis, intelliges, quām importuna sit in hoc genee maledicentia tua. Mortuo BARONE, Author fuit, ut DUARENUS revocaretur; atque ut illi redeunti ultrò concessit priorem, in quo consistere poterat, locum: sic habuit toto quadriennio sinè ullâ ulius simultatis significatione bonum Collegam.  
Quid,

Quid, posteaquam discessisset, DUARENO, à quibusdam vestræ factionis Nebulonibus incitato, exciderit; & cuius contentionis ea res causa fuerit, paulò pōst suo loco, & tempore dicam: & in eā ipsā vestram malam (ut ille ait) malitiam patefaciam.

Sed illud nunc dicendum est, quod negare non poteris: cum BALDUINO sponte abdicante, successorem ille cooptaret Doctissimum Juris-Consultum Jacobum CUJACIUM, ea publicè dixit de decessore (quo tempore non potest suspectum fuisse testimonium) & corrigere volens, quod errore priùs factum erat, tam præclarum sui de BALDUINO absente judicii testimonium edidit, nihil ut à nobis dici possit aut amplius, aut majus. Neque verò dubito, quin, si nunc ille viveret, BALDUINUM tam complecteretur à vobis nunc vexatum, quàm ab eo vestrarum partium suspecto fuit interduin abalienatus: & quod moriens de *vestrâ Sectâ* seriò dixit, vivens nunc magis, atque magis confirmaret, & conjunctis cum BALDUINO viribus, efficeret, ut sentiretis, Juris-Consultos non esse ab istis Ministellis la-ceslendos.

Miror autem, quid tibi in mentem vene-rit, ut enumerans Collegas BALDUINI, qui-bus ille, ut aīs, fuit intolerabilis, non modò duos alias BARONI, & DUARENO adjunxisti, indignos, qui nominentur, & quos nunquam habuit

habuit BALDUINUS Collegas; sed & ipsum Cujacium. Hic certè, ut dixi, BALDUINO in eâ scholâ successit; Collega nunquam fuit; imò alter alterum nunquam vidit. Per literas aliquando collocuti sunt, sed tam amicè, ut nihil magis. Imò Cujacius BALDUINUM rogavit, in illud suum Collegium ut rediret. Si nobis non credis, Cujacium interrogato. Non dubitamus, quin pro suâ fide, & integritate di-  
cturus etiam plura sit, quam nunc dicamus:  
neque non vos illi doctissimo Juris Antistiti, ut aliis in rebus fecistis, sic hâc in contentione facias injuriam intolerabilem. Sed ita soletis magnorum Juris-Consultorum nomina celebrare.

Ceterùm ut, quidquid de Bituringensi Professione, & vitâ cavillaris, paucioribus testibus, sed magnis, & quos revereri cogeris, refellam; en duos tibi cito viros amplissimos, Michaëlem HOSPITALIUM, Cancellarium, & Fr. LAUBESPINUM, Præsidem, utrumque eo tempore & Academiæ Curatorem, & BALDUINI Judicem non minùs, quam Patronum.

Cùm jam septem annis in eâ scholâ BALDUINUS magnâ cum laude fecisset officium suum, tandem, qui fuit annus M D L V. dare se cœpit quibusdam, eum in Germaniam ad excitanda purioris jurisprudentiae studia vocantibus: Nam, & nescio quomodo, de vestris, qui modò Genevæ non habitarent, ju-

L

dicabat

dicabat etiamnum, ac sperabat, quod optabat. Si tam astutus, quam eum esse fingis, fuisset; vel non nisi sua commoda, ut mentiris, esset secutus, pedem non movisset: sed fatali quodam impetu trahebatur. Neque tamen tam aberrare rursus voluit, ut istic transiret: quod vos eum facere noluisse, indignè tulistis, (magna enim erat hæc scilicet injuria) sed ipse, cur à recto itiere diverteret, nullam esse causam vidit. Comitem, & (ut loqueris) Affectum habuit BOUGUINUM, nunc vestrum Doctorem Theologiae: eum non recusamus testem totius profectionis.

Ergo BALDUINUS nullo neque dispensio, neque periculo, neque labore retardari potuit, quin Germaniam inviseret. Cùm autem rectâ iturus esset Tubingam, ut erat invitatus: tamen in medio itinere intelligens, MOLINÆUM eò redire velle, neque volens huic obstatore, divertit Argentoratum: cùmque ibi quiesceret, rogatur, ut Juris Civilis scholam, quæ jam toto biennio jacuerat, excitaret. Ne ad ejus quidem fundamenta jacienda demittere se recusavit. Sed cùm hoc agit non sine bono successu, nescio quo errore, duo commisit, istuc respectans, quorum & paulò post eum pœnituit, & pœnitibit semper. Primum enim amicissimas de studiis bonis litteras ad te dedit. Nam etsi te Lutetiæ talem fuisse audiisset, ut sibi tecum nihil negotii esse optaret; tamen homo

homo ineptus existimabat, te postea Genevæ, aut Lausanæ ita regeneratum, ita reformatum esse, ut tanquam alium compellare posset, oblitus veteris versiculi: Cœlum, non animum &c., & nescio quomodo illud somnians: Saul inter Prophetas. Tu nunc BALDUINO tales literas objectas. Rectè facis: sunt enim te indignæ: nam et si is minus jam meminerit, quid ad te tunc scripserit; tamen suspicatur honestius, ac liberalius scriptas fuisse, quam merebaris. Et verò fecisti, ut hoc statim intelligeret, cum nullum responsum reddidisti pro singulari tuâ civilitate, comitate, humilitate: quam superbiam, & barbariem tuam ipse Petrus Martyr tanto magis detestabatur, quod Author fuissest, ut ad te scribeberetur, & in ejus domo scripta epistola fuissest.

Alterum BALDUINI ex non dissimili errore peccatum fuit, quod HOTTONANNI tui, Lausanæ languentis, & in cædendis, quos in tuo Ludo Grammaticam docebat, pueris fatigari, & ex eo carcere liberari miserè cupientis, ut, commendatione BALDUINI ad aliquam Juris Professionem rediret, literis temerè crediderit. Literas, si vis, & licet, edemus. Noverat eum Lutetiæ suū, & literarum imprimis studiosum: dum meliorem effici optaret, Lacum Lemanicum ut invisat, Author fuit eo & tempore, & errore, quo & ipse ad eum est profectus. Sed prodidit, perdidit ingenium

genium bonæ spei, qui Author fuit, ut eò iret,  
ubi in tuam disciplinam ille tandem incidit.  
Docuisti enim tu eum non Evangelium, sed  
tuam Rheticam: nè quid gravius dicatur.  
Id ignorans BALDUINUS, novum Hospitem, qui  
Argentinam venerat, propter veterem amici-  
tiam amicissimè excipit sed viperam se se in  
sinu fovere mox sensit. Nam bonus ille Hospes,  
oblitus veteris ingenuitatis, & fidei, & tuæ  
novæ Catecheseos memor, quid non, ut ami-  
cum clàm, & perfidiosè pessundet, agit, &  
tentat? Singulari quâdam fraude, & ingeniosâ  
calumniâ (eit enim mirus hic Artifex seminan-  
darum litium) elicuerat abs DUARENO adver-  
sùs quendam BALDUINUM (sic enim tunc res  
tegebatur) infaustam quandam declamationem,  
sibi etiam, honoris scilicet causâ, inscriptam.  
Eam totâ urbe disseminat, hoc tamen unum  
cavens sedulò, nè BALDUINUS, qui primus  
id rescire debebat, resciret. Tandem tamen  
abs STURMIO coactus est hic HOTOMANNUS  
se se deferre etiam BALDUINO, ut ab eo au-  
diret, quod merebatur. Dejerat per omnia  
sacra, se se execrari, quod expresserat. Profi-  
tetur, se se cubitalibus literis, & sesquipedali-  
bus verbis (sic enim declamator Hyperbolicus  
loquebatur) detestari velle factum illud. In-  
terea non desinit suî similis esse. Tenentur  
etiamnum ejus litteræ, quæ testantur, eum  
ex tuo Ludo, & consuetudine nihil in Ger-  
ma-

maniam attulisse, nisi nequitiam Bezanam.  
Proferentur, cum voles.

Sed ut id nunc tantum agamus, quod  
quæritur, & testimonio, quod tu repudiare  
non ausis, explicetur, & multa alia prætere-  
antur; solum adscribam principium Sturmianæ  
ad eum ipsum tuum Fraterculum Expostulatio-  
nis. Nam STURMIUM etiamnum ait esse tuum,  
& fide dignum esse profiteris. Graviora sunt  
eius Expostulationis reliqua, quæ aliæ profe-  
rentur, cum erit necesse. Posteaquam ille ex-  
posuit, quâ arte cum literis CALVINI, quâ  
dissimulatione, quâ calliditate, quâ insinua-  
tione bonus ille tuus Frater irrepserit, ut Argen-  
tinenses falleret; ut civis fieret, & aliquem in  
privatâ scholâ humilem locum cum nescio quâ  
stipe impetraret, sic scribit ad eum.

